



丹溪心法附錄卷之十一

休寧東山古庵方廣約之類集

# 火門

## 火

四十三

附風熱

丹溪心法

○夫陰虛火動難治 火鬱當發者何經 輕者可降

重者則從其性而升之 實火可瀉黃連解毒湯之類

虛火可補 小便赤火最速 凡氣有餘更是火不足者



是氣虛 火無其甚者必緩之以生茸草無瀉無緩參朮亦可 人壯氣實火盛顛狂者可用正治或硝黃米水之類 人虛火盛狂者以生薑湯與之若投冰水正治立死 有補陰即火自降炒黃柏生地黃之類 凡火盛者不可驟用涼藥必無溫散 有可發者二風寒外來者可發鬱火可發 氣從左邊起者乃肝火也 氣從臍下起者乃陰火也 氣從脚下起入腹如火者乃虛之極也蓋火起於九泉之下多死一法用附子末洋調罈湯泉穴以四物湯加降火藥服之妙 陰虛証本難治用四物湯加炒黃柏降火補陰 龜板補陰乃陰中之至陰也 四物加白

馬脛骨降陰中火可代黃連黃芩 黃連黃芩梔子大黃黃柏降火非陰中之火不可用 生甘草緩火邪木通下行瀉小腸火 人中白瀉肝火須風露中二三年者 人中黃大涼治疫病須多年者佳中氣不足者味用其寒山梔子仁大能降火從小便泄去其性能屈曲下降人所不知亦能治痞塊中火邪

左金丸 治肝火 一名兜令丸

黃連 六兩 吳茱萸 一兩或半兩

右為末水丸或蒸餅丸白湯下五十九



附諸賢論

劉宗厚曰火之為病其害甚大其變甚速其勢甚彰其死甚暴何者蓋能燔灼焚焰飛走狂越消鑠於物莫能禦之遊行乎二焦虛實之兩途曰君火也猶人火也曰相火也猶龍火也火性不妄動能不逼於道常以稟位聽命運行造化生存之機矣夫人在氣交之中多動少靜欲不妄動其可得乎故凡動者皆屬火化火一妄行元氣受傷勢不兩立偏勝則病移害他經事非細故動之極也病則死矣經所謂一水不勝二火之火出於天造君相之外又有厥阻臟腑之火根於五志之內之

情激之其火隨起至平大怒則火起於肝醉飽則火起於胃房勞則火起於腎悲哀動中則火起於肺心為君主自焚則死矣丹溪又曰火出五臟主病曰諸風掉眩屬肝火動之類經所謂一水不勝五火之火出自人為又考內經病機一十九條內舉屬火者五諸熱贅癩皆屬於火之類而河間又廣其說火之致病者甚多深契內經之旨曰諸病喘嘔吐酸暴注下迫轉筋小便渾濁腹脹大鼓之有聲如鼓癰疽瘍疹瘤氣結核吐下霍亂腎驚腫脹鼻塞衄血溢血泄淋悶身熱惡寒戰慄驚悸悲笑譫妄衄血汚此皆少陰君火之熱乃真心小腸



附諸賢論

劉宗厚曰火之為病其害甚大其變甚速其勢甚彰其死甚暴何者蓋能燔灼焚焰飛走狂越消鑠於物莫能禦之遊行乎二焦虛實之兩途曰君火也猶人火也曰相火也猶龍火也火性不妄動能不逼於道常以稟位聽命運行造化生存之機矣夫人在氣交之中多動少靜欲不妄動其可得乎故凡動者皆屬火化火一妄行元氣受傷勢不兩立偏勝則病移害他經事非細故動之極也病則死矣經所謂一水不勝二火之火出於天造君相之外又有厥阻臟腑之火根於五志之內六欲七

情激之其火隨起至平大怒則火起於肝醉飽則火起於胃房勞則火起於腎悲哀動中則火起於肺心為君主自焚則死矣丹溪又曰火出五臟主病曰諸風掉眩屬肝火動之類經所謂一水不勝五火之火出自人為又考內經病機一十九條內舉屬火者五諸熱督癉皆屬於火之類而河間又廣其說火之致病者甚多深契內經之旨曰諸病喘嘔吐酸暴注下迫轉筋小便渾濁腹脹大鼓之有聲如鼓癰疽瘍疹瘤氣結核吐下霍亂腎驚腫脹鼻塞衄血溢血泄淋閉身熱惡寒戰慄驚悸悲笑譫妄衄血汚此皆少陰君火之熱乃真心小腸



之氣所為也若發瘰癧暴瘖冒昧操擾狂越罵詈駭駭  
腫疼酸氣逆衝上林慄如喪神生嘔嘔瘡瘍喉痺耳鳴  
及聾耳嘔滿溢食不下目昧不明暴注睵癩暴病暴死此  
皆少陽相火之熱乃心包絡三焦之氣所為也是皆火  
之變見為諸病也為脉虛則浮大實則洪數藥之所主  
各因其屬君火者心火也可以濕伏可以水滅可以直  
折惟黃連之屬可以制之相火者龍火也不可以水濕  
折之從其性而伏之惟黃柏之屬可以降之噫瀉火之  
法豈止如此虛實多端不可不察以臟氣司之黃連瀉  
心火芩藎今瀉肺火芍藥瀉脾火柴胡瀉肝火知母瀉腎

火此皆苦寒之味也吐瀉有餘之火耳若飲食勞倦內傷  
元氣火不兩立為陽虛之病以甘溫之劑除之如黃芪  
人參甘草之屬若陰微陽強相火熾盛以乘陰位日漸  
煎熬為血虛之病以甘寒之劑降之如當歸地黃之屬  
若心火亢極鬱熱內實為陽強之病以鹹冷之劑折之  
如大黃朴硝之屬若腎水受傷真陰失守無根之火為  
陰虛之病以壯水之劑制之如生地黃玄參之屬若右  
腎命門火衰為陽脫之病以溫熱之劑濟之如附子乾  
姜之屬若胃虛過食冷物逼遏陽氣於脾土為火鬱之  
病以升散之劑發之如升麻葛根之屬不明諸此之類



而求火之為病施治何所依據故於諸經集畧其說備  
處方之用庶免實實虛虛之禍也

附脉理

脉理提綱曰火脉洪數虛則浮

附諸方

九味羌活湯 治春夏秋非時感冒風寒發熱惡寒頭疼

項強或無汗或有汗以代桂枝麻黃青龍各半湯治太

陽經表熱之神藥也此湯非獨治四時風寒春可治溫

夏可治熱秋可治濕治雜証亦有神也

六神通解散 治時行三月後謂之晚發頭痛身熱惡寒

脉洪數先用九味羌活湯不愈後服此湯 並見傷寒

○已上二方發散風寒表熱之劑

東垣瀉陰火升陽湯 治肌熱煩熱面赤食少喘咳痰盛

羌活

甘草

黃芪

蒼朮

升麻 八錢

柴胡 一兩

人參

黃芩 各七

黃連 酒炒 半兩

石膏 深不脈 兩

右吹咀每服一兩或半兩水煎 此藥發脾胃火邪又

心膽肝肺膀胱藥也瀉陰火升發陽氣榮養氣血者也

升陽散火湯 治男子婦人四肢發熱肌熱筋痺熱骨節

中熱發困熱如燎扞之烙手此病多因血虛而得之或



胃虛過食冷物抑遏陽氣於脾土火鬱則發之

升麻 葛根 獨活 羌活各半

防風二錢 柴胡八錢 甘草三錢 人參

白芍各半 甘草生二錢

右咬咀每服半兩或一兩水煎稍熱服

地骨皮散 治渾身壯熱脉長而滑陽毒火熾發渴

地骨皮 茯苓各半 赤胡 黃芩

生苾 知母各一兩 石膏二兩 羌活

麻黃各七錢半有汗並去之

右咬咀每服一兩入姜煎

○已上三方升散鬱火表熱之劑

小柴胡湯是傷寒

柴胡飲子 治解一切肌骨蒸積熱作發寒熱往來表熱

則發寒裏熱表則發熱邪熱半在表勝在蓄熱寒戰裏出入進退無時即寒熱往來陰陽相勝也蓄熱寒戰表之陽和正氣與邪熱并蓄於裏脉道不行故身冷脉絕寒戰而久煩渴也 及傷寒發汗不

解或中外諸邪熱口乾煩渴或下後熱未愈汗後勞復

或骨蒸肺痿喘嗽婦人餘疾產後經病

柴胡 人參 黃芩 甘草

大黃 當歸 芍藥各半兩

右為末每服抄三錢水一盞生姜二片煎至七分溫服

大正 心法附錄卷之十一 五 戊三百九



日三服病熱甚者加服之

防風當歸飲子宣明方治脾腎真陰損虛。肝心風熱鬱甚。陽勝陰衰。邪氣上逆。上實下虛。怯弱不耐。或表熱而身熱惡寒。或裏熱而躁熱煩渴。或邪熱半在表。半在裏。進退出入不已。而為寒熱往來。或表多則惡寒。或裏多則發熱。或表之陽分陽和正氣與邪相助。并甚於裏。畜熱極深。而外無陽氣。裏熱極其陽極似陰。而寒戰腹滿煩渴者。或裏之陰分正氣反助邪氣。并甚於表。則躁熱煩渴而汗出也。或邪熱雖甚。至者或煩熱而痛者。或熱結極甚。陽氣不通。而反覺冷。在內或中外熱鬱煩躁甚。喜涼畏

熱者。或熱極閉塞不得宣通。陽極似陰。中外喜熱而反畏寒者。或躁熱煩渴者。或濕熱極甚。而腹滿不渴者。或一切風熱。雍滯頭目昏眩。暗風眼黑。偏正頭痛。口乾鼻塞。耳鳴及聾。咽嗝不利。或目赤腫痛。口舌痺。或上氣痰嗽。心脇鬱痞。腸胃燥澀。小便溺淋。閉或皮膚瘙癢。手足麻痺。又或筋脉拘急。支喘。短倦怠。或渾身肌肉跳動。心忪驚悸。或口眼喎斜。語言蹇澀。或狂妄昏惑。健忘失志。及或腸胃燥熱。噤而飢不欲食。或濕熱內餘。而消穀善飢。然能食而反瘦弱。或誤服燥熱毒藥。及妄食熱物過多。而耗損脾腎。則風熱鬱甚。而多有如此。不必全



見也。無問自病及中燥熱毒藥所使者，並宜宣通氣血，調順飲食，久服之，舊病除去，新病不生。設虛人常服，補益功驗，自可知矣。

防風

當歸

白芍

柴胡

黃芩

人參

甘草

大黃

各一兩

滑石六兩

右停每服三錢至五錢，水一大盞，生薑三片同煎，至七分去渣，溫服。

○廣按此方用大黃瀉陽明之濕熱，從大便出，用滑石降三焦之妄火，從小便出，用黃芩以涼膈，柴胡以解

肌防風以清頭目，用人參甘草以補氣，當歸芍藥以補血，瀉心肝之陽，補脾腎之陰，而無半味辛香燥熱之謬藥，真治風熱燥熱濕熱挾虛之良劑，非聖於醫者其能如是也耶。

溫熱病汗下後餘熱未退，用此尤妙。

○已上三方和解半表半裏熱之劑。

大柴胡湯 方見傷寒

防風通聖散 方見中風

○已上二方發攻表裏熱之劑。

調胃承氣湯



小承氣湯

大承氣湯並見傷寒

三一承氣湯見溫熱

○已上四方攻下裏熱之劑

清心湯

即涼膈散料內加黃連五錢用蜜與竹葉同煎

連翹

山梔子

太黃

薄荷葉

黃芩各五錢

甘草半兩

朴明二錢五分

加黃連半兩

右為細末每服玉錢水一盞蜜少許竹葉十片同煎七

分溫服

洗心散

和劑方治風壅痰滯心經積熱口苦唇燥眼澁多

淚大便秘結小便赤澁

白木半兩

麻黃和節

當歸洗去

荆芥穗

芍藥

甘草

大黃麩炒

去各八錢

右為末每服二錢木一盞生姜薄荷各少許同煎溫服

人參瀉肺湯秘方

治肺經積熱上喘咳嗽胸膈脹滿痰多

大便澀滯

黃芩

梔子

枳殼

甘草炙

薄荷

連翹

杏仁炒去

桑白皮炒

大黃

桔梗炒

右改咀每服

一兩水二盞煎至一盞去滓食後通口服



三黃湯和劑治積熱結滯臟腑大便秘結心膈煩燥

黃連去黃 黃芩去腐 大黃煨各等分

右吹旦每服四錢水一盞煎至七分空心服

三黃丸和劑方治男子婦人三焦積熱咽喉腫閉心膈煩

燥小便赤澀大便秘結並宜服之

黃連去黃 黃芩去土 大黃煨各等分

右為末煉蜜丸如梧子大每服四十九熱水吞下

一方用腦射為衣丸如大豆大夜間噙化一二丸亦好

含化三黃丸治症同前見二疾痺

大金花丸宣明方治中外諸熱浸汗咬牙特語驚悸瀉血

淋閉咳衄血虛弱頭痛并骨蒸肺痿喘嗽去大黃加槐

子名曰槐子金花丸又曰既濟解毒丸

黃連 黃芩 大黃各等分

自利去大黃加槐子

右為末滴水丸如小豆大每服二三十丸新汲水下

四生丸宣明方治一切熱疹常服潤肌膚諸熱證皆可服

大黃 牽牛 皂角各二 朴硝半兩

右為末滴水丸如梧子大每服三十九食後白湯下

黃連解毒湯宣明方治傷寒雜病熱毒煩燥乾嘔口渴喘

滿陽厥極深畜熱內甚方見溫熱



黃連湯 聖惠方 治一切積熱血熱腹熱酒熱並用  
黃連淨不拘多少井水浸之良久碗盛於鍋內煮取清  
汁服之

○廣按書云寒因熱用熱因寒用何也蓋積熱用寒藥  
以治之病冷用熱藥以治之恐相違逆如黃連用姜  
汁制酒制如附子用蜜制薑便制是也此方既用一  
味黃連又用井水浸之不無太過乎以酒代之庶乎  
妙矣

神芎丸 宣明方 治三焦積熱風痰壅滯頭目赤腫或生瘡  
齋咽膈不利或腸胃結燥小便赤澀大便閉塞一切熱

證並宜服之

大黃 生

黃芩 兩

牽牛 生

滑石 各四

黃連

薄荷

川芎 各半

右為末滴水丸如梧桐子大每服五十九丸溫水食後下  
解毒丸 通玄方 治中外諸邪熱毒癰腫瘡疽勦脈拘攣咳  
牙驚悸一切熱毒並宜治之

大黃

黃連

黃芩

山梔子

牽牛

滑石 各半

右為末滴水丸如梧桐子大每服三四十九丸溫水送下  
此即黃連解毒湯神芎丸合方也



全真丹 聖惠方

治臟腑積熱洗滌腸垢潤利燥澀解風毒

攻疰手足浮腫或頑痺不仁痰涎不利涕唾稠粘胸膈痞塞臍腹脹滿飲食減少困倦無力

川大黃

三兩用米泔水浸過三日每日換取出切片焙乾為細末用

黑牽牛

四兩淨慢火炒四兩生用

右以皂角一兩輕炒去皮子水一大碗浸一宿入蘿蔔

一兩切作片子同皂角一處熬至半碗去滓再煎至二

鍾攤和上件藥末乾濕調勻丸如梧子大每服二三十

丸至五六十九諸飲下隨證加減以利為度

平胃散

三因方

治胃經實熱口乾舌裂大小便秘澀及熱

病後餘熱不除蓄於胃中四肢發熱口渴無汗

厚朴

去皮

射干

米泔

茯苓

各一兩半

芍藥

二兩

枳殼

去穢

甘草

炙各一兩

右以咀每服四錢水一盞煎至七分去滓空心熱服

八正散 治大人小兒心經蘊熱咽乾口燥目赤睛痛癢

腑秘結小便赤澀

方見淋閉

○已上諸方治三焦鬱火實熱之劑

黃芩湯 治心肺蘊熱口瘡咽痛膈悶小便淋濁不利

澤瀉

梔子仁

黃芩

麥門冬

木通

生地黃

黃連

甘草各等分



右吹咀每服一兩水二盞生薑五片煎至一盞食前溫服

清心丸 治經絡中火邪夢瀆心忪恍惚口瘡咽燥

黃柏生三兩 龍腦二錢

右為末蜜丸梧子大每服十九臨卧煎麥門冬湯下

碧雪 和劑方治一切積熱口舌生瘡心煩喉閉

芒硝 青黛 石膏各研末 寒水石

朴硝 滑石 甘草煎湯 馬牙硝各等

右將甘草湯八諸藥末再煎用柳木篋不住手攪令消溶入青黛和勻傾沙盆內候冷凝結成霜研為末每用

少許含化津熱如喉閉不能嚥用竹筒吹藥入喉中

玄明粉 御藥院方 此藥大治邪熱所干膈上氣滯臍臑秘

澁並宜服之以朴硝煎過澄濾五七遍至夜於星月下

露至天明自然結作青白塊子用磁罐子按實於炭火

內從慢至緊自然成汁煎沸直候不響再加頂火一煨

便取出於淨地上倒下用盆合蓋了以去火毒然後研

為細末每二斤入甘草生熟二兩為末一處攪勻臨睡

斟量用之或一錢二錢以桃花煎湯或葱白湯下

白虎湯 治氣熱 見溫熱

四順清涼飲 治血熱 見風熱



薄荷煎 御藥院方 治口舌生瘡痰涎壅塞咽喉腫痛

薄荷末一兩 蘇頌川芎末二兩 蘇腦子別研砂仁末二兩

右為末入腦子和勻煉蜜成劑任意服和劑方無腦

子有桔梗

天竺散 組驗方 治臟腑積熱煩燥多渴口舌生瘡咽喉腫

痛

山梔子去殼 連翹各三錢 甘草三錢 雞冠雄黃各

瓜蒌六錢 鬱金用皂角水煎切

右為末每服一錢食後臨睡新汲水調下

清氣散 本事方 治氣雍痰涎上涌煩熱

枳殼 川芎 柴胡 前胡

茯苓 甘草 獨活 羌活

青皮 白朮 人參各等

右為末每服一錢水一鍾煎茶一穗煎七分服

龍腦飲 和劑方 治蘊積邪熱咽喉腫痛心煩鼻衄及痰熱

咳嗽中暑煩躁傷寒餘毒發熱並宜用之

縮砂仁 瓜蒌根各三兩 石膏四兩 藿香葉二兩

甘草六兩 梔子仁十二

右為末每服二錢用新汲水入蜜調下

傷寒餘毒潮熱虛汗除蜜入竹青煎服



龍腦雞蘇丸 和劑方 消煩渴涼上膈解酒毒除邪熱并治  
咳嗽唾血吐血諸淋下血胃熱口臭肺熱喉腥脾熱口  
甜膽熱口苦並宜服之

黃耆 去其 麥門冬 去心 阿膠炒 蒲黃炒

人參 去芦 生乾地黄 六兩另研細末 甘草 炙

木通 二兩同柴胡 柴胡 者二兩和木通以湯半

雞蘇淨葉 一斤即薄荷

右除別研藥外並搗為末將好蜜二斤先煉一二沸然  
後下生乾地黄末不住手攪令勻取木通柴胡汁慢火  
熬成膏勿令焦然後將其餘藥末同和為丸如黃豆大

每服二十九爵破熱水下虛煩消渴驚悸人參湯下咳

嗽唾血鼻衄吐血麥門冬煎湯下惟淋用車前子煎湯

下

甘露飲 和劑方 治胃中客熱牙宣齲腫咽膈乾燥吐衄腥

臭或胃經受濕伏熱在裏身黃如疸亦能治之

枳殼 去白 石斛 去芦 枇杷葉 淨去甘草

乾熟地黄 黃芩 天門冬 去心 山茵陳

生乾地黄 麥門冬 去心

右咬咀每服三錢水一鍾煎至七分食後溫服

滋腎丸 按粹方 治不渴小便閉邪熱在血分也



知母二兩酒浸肉桂半錢

黃蘗一兩細切酒拌炒陰乾

右知母黃栢氣味俱陰以同腎氣故能補而瀉下焦火也桂與火邪同體故曰寒因熱用凡諸病在下焦皆不渴也熟水為丸百沸湯下

○已上諸方治三焦鬱火虛熱之劑

○風熱新增

附諸方

定風餅子簡易方治風寒陽經邪傷腠理背脊強直言語蹇澁躄熱惡寒痰厥頭痛肉瞶筋惕手顫鼻淵及飲酒過多嘔吐涎沫頭自眩暈常服消風去邪見傷風

追風散和劑方治諸風上攻頭疼目眩鼻塞重皮屑癢

痒肩角牽引婦人血風一切頭風並治之

白殭蚕去絲荆芥二兩石膏四兩川烏炮去皮

防風去芦只全蝎炒川芎三兩射香一兩

甘草兩

右為末每服半錢食後臨卧茶調下

荆芥丸楊氏方治一切風邪上攻頭目咽膈不利或傷風

發熱頭疼鼻塞舌重並皆治之見傷風

養氣丹和劑方治諸虛百損真陽不固上實下虛氣不升

降或咳嗽或喘促一切體虛氣弱之人婦人血海冷憊



諸証並宜服之

禹餘糧火煨醋淬 紫石英火煨 磁石火煨醋淬

赤石脂如前 代赭石火煨醋淬

已上五石各水飛再研挹其清者置之紙上用竹篩盛

之滴盡水候乾各用瓦瓶盛貯以盞水紙筋和泥固濟

陰乾以硬炭五十斤分作五處煨此五藥以紙灰蓋之

火盡再煨如此三次埋地穴內兩日出火毒再研細入

後藥

肉蓯蓉酒洗浸一宿 破故紙炒 附子炮一

茴香炒 丁香 木香不見 肉桂去皮

山藥

巴戟湯去心 鹿茸酥炙

當歸酒浸

肉豆蔻麩裹 鍾乳粉另研 沉香 白茯苓去水

遠志去心 沒藥去心 陽起石煨別 五靈脂別研

乳香別研 朱砂別研各

右入前藥同研極勻用糯米糊為丸每兩作五十九陰

乾入布袋內擦令光瑩每服二十九空心溫酒姜盞湯

任下婦人用艾醋湯下

養正丹 和劑方治上盛下虛氣不升降元陽虧損氣短身

羸及中風涎潮不省人事傷寒陰盛自汗唇青婦人血

海父冷並治之



水銀

黑錫

硫黃研

朱砂研

右用黑盞一隻火上溶黑鉛成汁次下水銀以柳條攪  
次下朱砂攪令不見星子放下少時方入硫黃末急攪  
成砂和勻如有皎以醋洒之候冷取出研極細者糯米  
糊為丸如菉豆大每服三十粒鹽湯棗湯任下

○廣昔年初見養氣丹養正丹出證曰治諸虛百損真  
陽不足上實下虛氣不升降一切軀弱氣虛之人並  
宜服之云者予以為補虛益損之劑無出於此後觀  
本草集要白熱中消中不得服芳草石藥夫芳草之  
味美石藥之氣悍云云予則於此二丹所用石藥不  
能不致疑焉及觀七方十劑之目石藥乃為重劑重  
可以去怯其疑方纔釋也何以言之夫體弱氣虛之  
人稠痰鬱火膠固於骨髓之間非石藥之氣悍而能  
開散之乎蓋石藥所以去病邪病邪退而正氣自復  
正猶石灰所以殺根莠根莠死而禾苗自茂也石藥  
非補人之藥亦猶石灰非肥田之物養氣丹內有蘇  
蓉鹿茸當歸等藥庶乎有補而養正丹全用金石之  
藥何補之有哉觀者詳焉

○已上諸方卒溫發散之劑

清風散和劑方治諸風上攻頭目昏眩項背拘急鼻嚏

火止

去時餘卷下

十八

杜

三百



重耳作蟬鳴及皮膚頑麻瘙癢癩疹婦人血氣風頭皮腫痒並治之 尤傷風

八風散 和劑方 治風氣上攻頭目昏眩肢體拘急皮膚瘙癢癩疹成瘡及治寒熱不調鼻塞舌重

藿香 去上 白芷 前胡 去芦各 黃耆 去芦 甘草 炙 人參 去芦各 羌活 去芦 防風 去芦各

右為末每服二錢水一盞入薄荷少許煎湯調下食後服茶清亦可

清神散 和劑方 消風化痰治頭目眩暈耳聾鼻塞咽嗑不利

檀香 剉十 人參 去芦 羌活 去芦 石膏 研五

薄荷 去土 荆芥 二十 甘草 炙 防風 去芦 細辛 去苗洗 焙 五兩

右為細末每服三錢食後沸湯點服或入茶末尤妙

四生散 和劑方 治男子婦人肝腎風毒上攻赤眼痒痛羞明多淚及下注脚膝生瘡遍身風癩兩耳內痒服之尤效

黃耆 川獨活 蒺藜 炒 白附子

右等分為細末每服二錢薄荷酒調下如腎臟風下疰生瘡以猪腰子批開入藥末二錢在內合定裹煨熟空

大正 卷之十一 三十一



心細對用益酒下

川芎茶調散和劑方治諸風上攻頭目昏眩偏正頭疼及

腦疼鼻塞志重見傷風

大辰砂丸神藥院方清頭目化痰涎及感冒風寒鼻塞聲

重頭目昏眩項背拘急皮膚瘙癢並治之見傷風

防風散楊氏方治頭目不清去風明目

防風 川芎 白芷 甘菊花

甘草

右等分為末每服二錢食後荆芥湯調下

追風散瑞竹堂方治口白癩風

何首烏 荆芥穗 苦參

蒼朮泔水浸二宿

右件為細末好肥皂角三斤土度弦入磁器內熬五膏

和為丸如梧桐子六每服三五丸空心酒茶任下忌

一切動風之物

胡麻散和劑方治脾肺風毒攻衝遍身皮膚瘙癢或生瘡

疥或生癩疹用手搔時浸淫成瘡久而不差愈而復作

面上遊風或如虫行紫白癩頑疥或腎臟風攻生瘡並

宜服之見癩疹

四神丸經驗方治手足頑麻痰涎壅盛頭目昏眩肩背拘



急 見痰熱

芳小湯 御藥院方 清神爽志祛風消蘊治頭目昏痛鼻塞  
舌重

川芎 二兩 白朮 一兩七分

右吹咀每服八錢水一盞半姜五片煎至八分去滓溫  
服食後或為細末白湯點服亦得

天麻散 宣明方 治頭項痛頭面腫拘急風傷衛發躁熱

川芎 苦參 地骨皮 細辛

威靈仙 何首烏 薄荷葉 苴荊子

菖蒲 杜蒺藜 牛蒡子 蛇蛻草

荆芥穗 防風 一兩 天麻 一兩 甘草 二兩

右為末每服三錢用蜜水調下茶酒任下不拘時

防風天麻散 宣明方 治風麻痺走注肢節疼痛中風偏枯

或暴瘖不語內外風熱壅滯并解昏眩 見中風

消毒犀角飲 治大人小兒內蘊邪熱痰涎壅滯或腮項

結核遍身瘡節並宜用之 見斑疹

一方 治風熱結滯或生瘡癩及金石發熱小腸等熱

用桑椹不拘多少微研以布絞去粗以瓦器熬稀膏量

多少入蜜再熬成稀膏盛于磁器中每服一二匙食後

臨卧以沸湯點服



○已上諸方幸平發散之劑

上清散 治上焦熱耳鼻雍塞頭目不清

川芎

荆芥穗

薄荷葉各五

朴硝

石膏

桔梗各一兩

右為細末每服一字口噙水鼻內搐之加龍腦三分妙

上清丸 治口舌生瘡咽喉腫痛咳嗽煩熱能清聲潤肺

寬膈化痰爽氣寧神

百藥箭

薄荷淨末各四兩

縮砂一兩

片腦一錢

玄明粉

甘松

桔梗

柯子

礪砂各五

寒水石一兩

右為細末甘草熬膏為丸如梧桐子大每服一丸噙化

或爵三五丸茶湯下

龍腦丸宣明方治大人小兒一切蘊熱毒氣不散口舌生

瘡咽喉腫痛及失音癭疹

龍腦

朱砂

礪砂

牛黃各等

右為末鎔黃蠟為丸如米粒大每服三五丸浸甘草人

參湯送下

龍腦川芎丸御藥院方消風化滯除熱消痰通利七竅爽

氣清神

桔梗半一兩

片腦六錢

縮砂仁二錢 白豆蔻五錢

火正

公法附錄卷之十一

三

三百六十六



薄荷去土 川芎

防風去芦

甘草各一

右為末煉蜜為丸每兩作二十九丸每服二丸細嚼茶清送下

當歸龍膽丸宣明方 治腎水陰虛風熱蘊積時發驚悸筋

惕搖搦神志不寧榮衛壅滯頭目昏眩肌肉咽癢膏膈

痞塞咽嗑不利腸胃燥澀小便澀澀筋脉拘急肢體痿

弱暗風癩疾小兒急慢驚風常服宣通血氣調順陰陽

病無再作

當歸焙

草龍膽

山梔子

黃連

黃蘗

黃芩各

大黃

蘆薈

青黛各五

木香二

麝香半

右為末煉蜜和丸如小豆大小兒如每服二十九生薑

湯送下忌發熱諸物無服防風

羌活散和劑方 治風氣不調頭目昏眩痰涎壅滯遍身拘

急及風邪寒壅頭痛項強鼻塞舌重肢節煩痛天陰風

兩預覺不安見傷風

羌活丸 治症同前見傷風

旋覆花湯蘇藥院方 治風熱則面生赤瘰子腦昏目夜鼻

塞舌重面上游風伏如虫行忌猪肉麵

旋覆花去土 人參

柴胡去芦

味茯苓去皮



赤芍藥

去皮 黃芩 去芦

枳實 麸炒

甘草 各二兩

右吹咀每服一兩水一盞半生薑五片煎至八分去滓

食後温服

通關散

御藥院方 治風熱上攻頭目筋脉拘急痰涎壅盛

肢節煩疼

羌活

去芦

獨活

去芦

防風

去芦

天麻

去芦

山梔子

大黃

各一兩

滑石

二兩

甘草

二兩

右吹咀每服八錢水一盞半生薑五片煎至八分食後

温服

仙术芳散

宣明方 治風熱壅塞頭目昏眩及明耳目消痰

飲清神

川芎

連翹

黃芩

山梔子

菊花

防風

大黃

當歸

芍藥

桔梗

藿香葉 各五錢

石膏 各一兩

甘草

滑石 各三兩

荆芥穗

薄荷葉

細砂仁 各二錢五分

右吹咀每服三錢水一盞煎至七分食後通口服

川芎石膏湯 治風熱上攻頭目眩痛咽乾煩渴

防風通聖散 治風熱諸証總劑並見中風

○廣按此方治熱風燥三者之總劑也凡熱風燥之為



病必於此而取則焉何以言之風本於熱熱極則風生燥生於風風動則燥至是熱風燥三者其實一源流也故此一方而能兼治之觀其用防風麻黃薄荷荆芥使熱邪從玄府出也用施子滑石使熱邪從小便出也用大黃朴硝使熱邪從大便出也其餘黃芩散肺火連翹散心火石膏散胃火芍藥散脾火川芎當歸和血潤燥白木甘草補脾和中桔梗開膈其間並無一味辛香燥熱之藥可謂善於處方矣故於熱風燥三者之証百發百中無施一而不可非聖於醫者其能是歟

愈風丹

治諸般風証偏正頭痛

防風通聖散

四物湯

黃連解毒湯

各二料

加羌活

何首烏

細辛

菊花

天麻

獨活

薄荷各一

右為末煉蜜為丸如彈子大每服一九細嚼茶清下不

拘時

荆黃湯和劑方治風熱結滯或生瘡癩

荆芥

四兩

大黃

二兩

右咬咀每服五錢水一鍾煎至六分空心服

涼膈散和劑方治大人小兒臟腑積熱口舌生瘡或會不

大正

心法附錄卷之十一

二十五

戊二頁



利煩燥多渴腸胃秘澁便溺不利

見溫熱

連翹四分

甘草

川大黃

朴硝各二

薄荷

黃芩

山梔子各一

右水二鍾竹葉七片蜜少許同煎一鍾食後服

既濟解毒湯 治上熱頭目赤腫而痛胸膈煩悶不得安

針大便微秘

大黃酒煨

黃連酒炒

黃芩酒炒

甘草炙

桔梗各一

柴胡

升麻

連翹

當歸身略

右每服水二鍾煎一鍾食後溫服

洗心散 治風壅痰滯心經積熱口苦唇燥眼澁多淚大

使秘結小便赤澁見火類

犀角地黃湯 治風熱大甚眼赤目痛喉閉口瘡丹毒

見吐血

四順清涼飲 治一切積熱丹毒并喉龍熱痛

當歸去芦

甘草炙

赤芍藥

大黃各等分

右每服五錢水一鍾煎至六分食後溫服

牛黃清心丸 和劑方 治諸風緩縱不隨語言蹇澁心怔健

忘恍惚去來頭目眩暈胃中煩鬱痰涎壅塞精神昏憤

又治心氣不足神志不定驚恐怕怖悲憂慘戚虛煩小



睡喜怒無時或發狂顛神思昏亂 見中風

○已上諸方辛涼外散內消之劑

○廣按宣明論云夫熱風之體也曲直動搖風之用也風生於熱以熱為本而風為標凡言風者即風熱病也又按錢氏小兒論云肝有風目連劄不搖得心熱則搖以此論之凡病掉眩強直之謂風風則不離乎熱也觀火燄之上搖則熾風之象矣 又按古方不分風之從外入由內起一槩曰風今予分之外入則曰中風傷口風胃風內起則曰風熱外入治以辛溫外散內起則治之以辛涼內消庶得其病機治法也

# 吐血

四十四

丹溪心法

○吐血陽盛陰虛故血不得下行因火炎上之勢而上出脉必大而芤大者發熱芤者血滯與失血也 大法補陰抑火使復其位用交趾桂五錢為末冷水調服 山梔子最清胃脘之血 吐血覺胸中氣塞上吐紫血者桃仁承氣湯下之 先吐紅後見痰嗽多是陰虛火動痰不下降四物湯為主加痰藥火藥 先痰嗽後見紅多是痰積熱降痰火為急 痰嗽涎帶血出此是胃口清血熱蒸而出



重者梔子。輕者藍實。或暴吐紫血一碗者。無事吐出為好。此熱傷血死於中。用四物湯解毒湯之類。吐血挾痰積。吐一二碗者。亦只補陰降火。四物湯加火劑之類。挾痰。若用血藥則泥而不行。只治火則止吐血。火病也。大吐紅不止。以乾姜炮末。童便調從治。喉腕痰血。荆芥散炒。舌上無故出血。如線不止。以槐花炒末乾搽之。若吐血一方。童便一分。酒半分。搗栝實溫飲。非酒不行。嘔吐血出於胃也。實者犀角地黃湯。主之。虛者小建中湯加黃連主之。

入方

三黃補血湯

治初見血及血多宜服

熟芩一錢

生芩一錢

當歸七分

柴胡五分

升麻

芍藥二錢

牡丹皮五分  
川芎七分

黃芩五分

右以水煎服

血不止可加桃仁半錢酒大黃斟酌虛

實用之內却去柴胡升麻

又方 治見血後脾胃弱精神少血不止者

人參一錢

黃耆二錢

五味子三分

芍藥五分

甘草五分

當歸五分

麥門冬五分

右艾咀水煎服

加鬱金研入亦可



又方

人參

白朮

茯苓

陳皮各一錢

甘草

半夏麩

川芎各五分

青皮

神麩各三分

右咬咀水煎服。如胃不和加藿香。如渴者加葛根

半錢。若痰結塊者加貝母一錢。黃芩半錢。去白陳皮

半錢。若小便赤色加炒黃柏五分。若大便結燥加

當歸七分。心煩加黃連酒拌晒乾五分。若小便滑

加煨牡蠣。若見血多去半夏恐燥加生芩一錢。牡丹

五分。挑仁三分。若胃中不足飲食少進加炒山梔仁

八分。若血溢入濁道留聚腸間滿則吐血蘇子降氣

湯加人參阿膠各五分。上膈壅熱吐血者以四物湯

加荆芥阿膠各五分更不止於本方中加大黃滑石各

五分。胃傷吐血宜理中湯加川芎乾葛各五分。此是

飲酒傷胃也。吐血不止用生薑根為末二錢水煎。放冷

食後服良。白芨末調服治吐血。

已上諸方雖非丹溪所出以其藥同故錄於前。

附諸賢論

劉宗厚曰經云榮者水穀之精也和調五臟洒陳於六腑

乃能入於脉也源源而來生化於脾總統於心藏受於



肝宣布於肺施泄於腎灌溉一身目得之而能視耳得之而能聽手得之而能攝掌得之而能握足得之而能步臟得之而能液腑得之而能氣是以出入升降濡潤宣通者由此使然也注之於脉少則濟克則實常以飲食日滋故能陽生陰長取汁變化而赤為血也生化旺則諸經恃此而長養衰耗竭則百脉由此而空虛不可知謹養哉故曰血者神氣也持之則存失之則亡是知血盛則形盛血弱則形衰神靜則陰生形役則陽克陽盛則陰必衰又何言陽旺而生陰血也蓋謂血氣之常陰從于陽隨氣運行於內苟無陰以羈束則氣何以樹

立故其致病也易調治也難以其比陽常虧而又損之則陽易亢陰易乏之論可以見矣諸經有二陽道實陰道虛陰道常之陽常有餘陰常不足以人之生也年至十四而經行至四十九而經斷可見陰血之難成易虧如此陰氣一傷所變之證妄行於上則吐衄衰涸於外則虛勞忘反於下則便紅稍執膀胱則癃閉溺血於通腸間則為腸風陰虛陽搏則為崩中濕蒸熱痰則為滯下熱極腐化則為膿血大極似水血色紫黑熱勝於陰發為瘡瘍濕滯於血則為痛痒癩疹皮膚則為冷痺畜之在上則人喜忘畜之於下則人喜狂墮悲跌仆則痰



惡內凝若分部位身半已上同天之陽身半已下同地  
之陰此特舉其所顯之證者治血必血屬之藥欲求血  
藥其四物之謂乎河間謂隨證輔佐謂之六合湯者詳  
言之矣余故陳其氣味專司之要不可不察夫川芎血  
中氣藥也通肝經性味辛散能行血滯於氣也地黃血  
中血藥也通腎經性味甘寒能生真陰之虛也當歸分  
三治血中主藥也通肝經性味辛溫全用能活血各歸  
其經也芍藥陰分藥也通脾經性味酸寒能涼血治血  
虛肢痛也若求陰藥之屬必於此而取則焉脾胃論有  
云若善治者隨經損益摘其一二味之所宜為主治可  
也此特論血一病而求血藥之屬者也若氣虛血弱又當  
從長沙血虛以人參補之陽旺則生陰血也若四物者  
獨能主血分受傷為氣不虛也輔佐之屬若桃仁紅花  
蘇木血竭牡丹皮者血滯所宜蒲黃阿膠地榆百草霜  
棕櫚灰者血崩所宜乳香沒藥五靈脂凌霄花者血痛  
所宜茯苓瑤陽牛膝枸杞子益母草夏枯草敗龜板者  
血虛所宜乳酪血液之物血燥所宜乾姜桂者血寒所  
宜生地黃苦參血熱所宜特取其正治大畧耳若能獨  
類而長可謂應無窮之變矣

附脉理



脉訣舉要曰諸証失血皆見孔脉隨其上下以驗所出大凡失血脉貴沉細設見浮大後必難治

附諸方

犀角地黄湯 治傷寒汗下不解鬱于經絡隨氣湧泄為

衄血或溝道閉塞流入胃腹吐山清血如鼻衄吐血不

盡餘血停留致面色痿黃大便黑者更宜服之

犀角 銹

生芩

白芍

牡丹皮 各等分

右吹咀每服五錢水煎溫服實者可服

桃仁承氣湯

芒硝

桂枝 三錢

甘草 二錢五分

大黃 一兩

桃仁 五錢 去皮尖

右吹咀每服一兩入姜同煎

黃連解毒湯

見溫熱

三黃丸

治積熱吐血咽膈不利

見火類

犀角地黄湯 按料方主脉浮客脉孔浮孔相合血積胃中

熱之甚也血在上焦此藥主之

生地黃 二兩

黃芩

黃連 各一

大黃 半兩

右吹咀每服一兩水二鍾煎至一鍾食後通口服

四生丸 良方治吐血衄血湯盛於陰血熱妄行

生荷葉

生艾葉

生柏葉

生地黃 各等分



右研爛丸如雞子大每服一丸水三鍾煎至一鍾瀝過

温服

藕汁散 濟生方治吐衄不止

生藕汁 生地黄汁 大薊汁各三升蜜子匙

右件藥汁調和令勻每服一小鍾不拘時服

雙荷散 聖惠方治卒暴吐血

藕節 七箇 荷葉頂 七箇

右同家搗細水三鍾煎八分去滓温服或研末蜜調下

枇杷葉散 治暑毒攻心嘔吐鮮血 方見中暑

○已上數方治内實吐血之劑

小建中湯

桂枝 甘草 芍藥 大棗 白芍

生薑 一錢 阿膠 一

右咬咀水煎

荊芥散

荊芥穗 半兩 甘草 一兩 桔梗 二兩

右咬咀姜煎食後服

天阿膠丸 和劑方治肺虛客熱咳嗽咽乾多唾涎沫或有

鮮血勞傷肺胃吐血嘔血並皆治之

麥門冬 去心 半兩 茯苓 柏子仁 百部根

生血 心去付余卷之十一 三三 戊二八百八



杜仲炒

丹參

貝母炒

防風各五

遠志

人參各二錢 茯苓

乾山藥

熟地黃

阿膠

五味子各二

右為末煉蜜丸如彈子大每服一九水煎六分

必勝散和劑方治男子婦人血妄流溢或吐或咳衄血

小薊并根

人參

蒲黃

當歸去芦

熟地黃

川芎

烏梅去核各

右咬咀每服四錢水一鍾煎七分温服不拘時

龍腦雞蘇丸

治膈熱咳嗽或吐血衄見火類

茯苓補心湯

治心虛為邪氣所傷吐血見咳血

是齋白木散簡易方治積熱吐血咳血若因飲食過度負

重有傷脾胃而吐血者最宜服之惟忌食熱麵煎炒

切發風之物

白木二兩

人參去芦

白茯苓去皮

黃芪各一兩

山藥

百合去心各

甘草各半

柴胡

前胡各二

右咬咀每服三錢水一鍾姜三片棗一枚煎六分温服

歸脾湯治思慮傷脾不能統攝心血以致反行或吐血

下血 見健忘

天門冬湯濟生方治思慮傷心吐血衄血



遠志去心甘草水煮 白芍藥 天門冬去心 麥門冬去心

黃芪去芦 藕節 阿膠蛤粉炒 沒藥

當歸 生地黄各一兩 人參 甘草各五錢

右咳吐每服四錢水一鍾姜薑片煎六分不拘時溫服  
加味理中湯

乾姜炮 人參 白朮各二兩 甘草

葛根各半兩

右咳吐每服三錢水一鍾煎七分溫服不拘時

麥門冬飲子 按粹方治脾胃虛弱氣促氣弱精神短少血  
血吐血

人參 五味各五錢 紫苑半錢 黃芪

芍藥 甘草各一錢 當歸身 麥門冬各五分

右咳吐作二服水煎食後服之

團參丸 治吐血咳嗽服涼藥不得者

人參 黃耆 飛羅麵各一兩 百合五錢

右為末滴水為丸如梧子大每服三十九丸茅根湯下

辰膠散 經驗方治大人小兒吐血

阿膠炒 蛤粉各一兩 辰砂少許

右為末藕節搗汁和蜜調下食後服

側柏散 治內損吐血下血因酒太過勞傷於內血氣妄



行其出如湧泉口鼻皆流須臾不救服此即安又治男  
子婦人九竅出血

側柏葉錢一兩五

人參去芦

荆芥穗燒灰

右為末每服三錢入飛羅麵三錢拌和汲水調粘相似  
發服

一方 治吐血

用生地黃五斤搗汁生薑二斤半以瓦錫器盛貯於鍋  
內重湯桑柴火煮三日三夜取出人人參末四兩茯苓  
末六兩令勻不拘時候以熱湯點服一名瓊玉膏

一方

用栢葉一握乾薑三片阿膠二挺炙水二鍾煎至一鍾

去粗頓服

芎藭湯濟生方 治一切失血過多眩暈木甦

芎藭

當歸去芦酒浸

右吹咀每服四錢水二鍾半煎至七分溫服不拘時

四物湯見補損治失血過多如栢葉煎服

理中湯 見中寒

蘇子降氣湯 見痰類

○已上諸方治內虛吐血之劑

一方 治酒色傷心肺口鼻俱出血



用荊芥燒灰置地上出火毒為末每服三錢陳米湯下  
一方 治大人吐血及傷酒食醉飽低頭搦重損傷吐血  
至多汗血妄行口鼻血出但聲未失者投之無不効

百草霜用即錫底上黑灰  
用外人家者妙

若鼻衄用一坵吹入鼻中立効  
若為末每服三錢米飲調下或并花水調下三服即愈

○皮肉破處久灸瘡出血百般用藥不止搽半錢或一  
字立止

一方 治吐血

用好墨為末每服二錢以白湯化阿膠清調服

一方

用血餘燒灰為末每服三錢冷水調下

○如鼻衄以竹管吹入鼻中即止

一方 治吐血咯血

用藕節搗汁飲之

一方

用栢葉瓦上焙乾為末每服三錢食後米飲調下

一方

用大黃末每服一錢以生地黃汁一合水半鍾煎四五  
沸溫服即愈



一方 治飲酒過多蘊熱胸膈以致吐血衄血  
葛花二兩 黃連四兩

右為末以大黃末熬膏子丸如梧子大每服一百丸温  
湯下或煎服亦可 吐衄證若脉滑數難治

○已上諸方止血凉血之劑

○廣按氣屬陽喜動血屬陰喜靜動靜有常則氣血調  
均陰陽和順何病之有哉今也六淫侵于外七情戕  
于中動過於靜陽勝乎陰則氣有餘而血不足也丹  
溪曰氣有餘便是火火性急暴熾灼經絡則血沸騰  
而錯經妄行為咳血嘔血咯血衄血下血之所

由也况血為氣之依附若是血散枯涸則氣失依  
附而發越矣不死何待可不畏哉治療大法以苦甘  
寒藥散火凉血為君以辛味藥開鬱利氣為臣以升  
提藥俾復其位為佐使或以酸澁藥止塞其源或以  
甘温藥收補其後如此病之不愈者未之有也 又  
按丹溪正法吐血條已無咳嘔咯衄四者附方嘔血  
衄血通用

# 咳血

四十五

丹溪心法

吐血 心法附錄卷之十一 杜 三十八 二百零九



○咳血、火升、痰盛、身熱多是血虛、四物湯加減用、  
戴云欬血者嗽出痰內有血者是、嘔血者嘔全血者是、  
咯血者每欬出者是、血乾瘁、衄血者鼻中出血也、溺血  
者小便出血也、下血者大便出血也、雖有名色分六俱  
是熱証、但有虛實新舊之不同、或妄言為寒者誤也、

入方

青黛

瓜蒌仁

訶子

海粉

山梔

右為末以蜜同姜汁丸、噲化欬甚者加杏仁去皮尖後  
以八物湯加減調理

附諸方

黃芪散 治欬成勞

甘草 四錢

黃芪

麥門冬

熟藥

桔梗

白芍 各五錢

右以咀每服五錢水煎

茯苓補心湯 三因方 治心氣虛耗不能藏血以致面色黃  
瘁五心煩熱咳嗽唾血 及婦人懷妊惡阻嘔吐亦宜

治之

半夏 湯炮 七次

前胡

白茯苓

人參 各七錢 五分

紫蘇

枳殼 麸炒

桔梗

甘草 炙



乾葛

陳皮各五錢

當歸二錢

熟地黃五錢

白芍藥二兩 川芎七錢五分

右以咀每服四錢水一鍾姜三片棗一枚煎七分食後

溫服

雞蘇丸 按粹方治虛熱昏冒倦怠下虛上壅嗽血衄血

雞蘇葉八兩即金

黃耆

防風

荆芥各一兩

桔梗

川芎

甘草

菊花

生芋各半兩

片腦五分

右為末煉蜜丸如彈子大每服一九用麥門冬去心煎

易化下 又治肺損吐血日漸乏力衰弱行步不得促

嗽痰涎飲食不美或發寒熱小便赤澀加車前子三錢

用桑枝剉炒香煎湯罨下

經效阿膠丸 濟生方治嗽血唾血

當歸地黃湯 宣明方治嗽血衄血大小便血或婦人經候

不調月水過多喘嗽 並見癆瘵

人參芎歸湯 直指方治虛勞少血津液內耗心火炎燥熱

乘肺金咳嗽咯血及血不榮肌肉動輒毛寒咳嗽

當歸

川芎

白芍藥各五錢 人參

半夏制

橘紅

赤茯苓

阿膠炒

細辛

北五味

甘草各二錢五分

咳血

心法附錄卷之十一

四十一

咳血



方以咀每服八錢水二鍾姜三片煎一鍾食後溫服

一方 治咳嗽

用新綿燒灰半錢食後好酒調服

一方

用栢葉瓦上焙乾為末每服三錢食後米飲調下

### 嘔血

丹溪心法

○嘔血火載血上錯經妄行 肺火發熱喉中痛者是氣

虛用參黃蜜炙黃栢荆芥當歸生地黃用之 嘔血用蓬

汁童便姜汁磨鬱金同飲之其血自清 火載血上錯經

妄行用四物湯加炒山梔童便姜汁服 又方山茶花童

便姜汁酒服 又鬱金末治吐血入姜汁童便良 又一

方用蓬汁童便二物合用鬱金細研和服 又方治吐血

或衄血上行用鬱金如無用山茶花代姜汁童便和好酒

調服即止後以犀角地黃湯加鬱金 怒氣逆甚則嘔血

暴瘁內逆肝肺相搏血溢鼻口但怒氣致血証者則暴甚

故經曰抑怒以全陰者是也否則五志之火動甚火載血

上錯經妄行也用柴胡黃連黃芩黃芪地骨生熟棗白芍

以水煎服虛者以保命生地黃散再加天門栢杞甘草等



分水煎服

附諸方

一方 治嘔血

黃柏蜜炙

右搗為末煎麥門冬湯調二錢匕立瘥

聖惠方 治嘔血

側柏葉或晒乾或陰乾或瓦焙乾

右為末不計時以米飲調下一錢匕

保命生地黄散

治諸見血無寒吐血衄血下血瀉血

生地黄

熟地黄

枸杞子

地骨皮

天門冬去心

黃耆

白芍藥

甘草炙

黃芩各等分

右以咀每服一兩水二鍾煎至一鍾去滓食前通口服

脉微身涼加減每一兩加官桂半錢

大薊散濟生方

治飲啖辛熱傷於肺經嘔血出血名曰肺

疸

大薊根洗

犀角鎊

升麻

桑白皮炙

蒲黃炒

杏仁去皮尖

甘草炙五錢

桔梗炒一兩

右以咀每服四錢水一鍾姜五片煎至八分温服不拘

時

嘔血

心法附錄卷之十一

四十三

文二百九



# 咯血

四十七

附痰涎血

丹溪心法

○咯血痰帶血絲出者用姜汁青黛空里便竹瀝入血藥中  
 用如四物湯加地黃膏生膠膏之類 咯唾血出於腎以  
 天門冬麥門冬貝母知母桔梗百部黃柏遠志熟辛牡蠣  
 姜桂之類 痰涎血出於脾以爲根黃芪黃連芍藥當歸  
 甘草沉香之類主之  
 入方 治痰中見血

白木一錢五分

岩田歸一錢

芍藥一錢

牡丹皮一錢五分

桃仁研

山梔炒黑

桔梗七分

貝母一錢

黃芩八分

甘草三分

青皮五分

右以水煎服

又方 治痰中血

白木一錢五分

牡丹皮一錢五分

貝母一錢

芍藥一錢

桑白皮一錢

山梔炒黑

桃仁研

甘草三分

右以水煎服

又方 治痰中血

橘紅二錢

半夏一錢

茯苓一錢

甘草三分

白木一錢

枳殼一錢

人參五分

五味十分

咯血

心法附錄卷之十一

四十七

丹溪心法



桑白皮一錢 黃芩一錢

右以水一鍾 姜三片煎服 或加青黛半錢

又方

橘紅一錢

半夏

茯苓

牡丹皮

貝母

桃仁

黃連

甘草

大青各五分

右以水煎 生姜三片 如法煎服

附諸方

治咯血

荷葉不拘多 以焙乾

右為末 米湯調一錢匕

又方 治咯血及衄血

白芍藥一兩 犀角末一錢半

右為末 新汲水服一錢匕 血止為限

又方 治咯血

桑白皮一錢五分 半夏一錢

知母

貝母

茯苓各一錢

阿膠分五

桔梗七分

陳皮一錢

甘草

杏仁炒各五分

生芋二錢

山梔七分

柳挂條二分 宜入治上焦

右以水煎 生姜三片 如法煎服



天門冬丸 本事方 治吐血咯血大能潤肺止咳

天門冬 一兩 甘草 白茯苓 阿膠

杏仁炒 貝母各五錢

右為末煉蜜丸如梧桐子大每服一九熱津含化日夜

可十九

雞蘇散 濟生方 治勞傷肺經唾內有血咽喉不利

雞蘇葉 黃耆 生地黃 洗淨 阿膠

貝母 去心 白茅根 各一兩 麥門冬 去心 桔梗 去苦

甘草 炙各五錢

右吹咀每服四錢水一鍾姜三片煎七分溫服

槐花散 朱氏集驗方 治咳血失血

用槐花炒為末每服二錢糯米飲下仰臥

昔連阿膠丸 濟生方 治勞嗽並嗽血吐血 見前類

恩袍散 治咯血吐血唾血及煩躁欬嗽

生蒲黃 乾荷葉 茅根 各等分

右為末每服三錢濃煎桑白皮湯食後溫服

衄血 四十八

丹溪心法

○衄血涼血行血為主大抵與吐血同 用山茶花為末

衄血 衄血 衄血 衄血 衄血 衄血 衄血 衄血 衄血 衄血



重便姜汁酒調下 犀角地黄湯入鬱金同用如黃芩升  
麻犀角能解毒 又以鬱金末童便姜汁并酒調服 經  
血逆行或血腥或吐血或唾血用韭汁服之立効 治血  
汗血衄以人中白新瓦上火通乾入鬱香少許研細酒調  
下經驗人中白即溺盆白堊秋石也 衄血出於肺以犀  
角升麻梔子黃芩芍藥生地用紫苑丹參阿膠之類上之  
原病式曰衄者陽熱熾鬱十於足陽明而上熱則血妄  
行故鼻衄也

附諸方

河間生地黄散 治鬱熱衄血或咯吐血皆治之

枸杞 柴胡 黃連 地骨

天門冬 白朮 甘草 黃芩

黃芪 生藥 熟艾各等

右吹咀水煎服 若下血加地榆

又方 治衄血

伏龍肝半升即銅心竈內土

右以新汲水一大碗淘取汁和蜜頓服

齒根散 治鼻衄不止

茜根 阿膠粉 黃芩各一兩 側柏葉

生艾各一兩 甘草各半兩



右以水煎服如姜三片如法煎服

黃芩為藥湯治鼻衄不止

黃芩二錢 芍藥二錢 甘草一錢

右以水煎服 或犀角地黃湯如無犀角以升麻代之

○鼻通於腦血上溢於腦所以從鼻而出凡鼻衄或以  
茅花調止衄散時進折二泔仍令以麻油滴於鼻或以  
羅蔔汁滴入亦可又茅花白芍藥對半尤好 外迎法  
以井花水濕紙頂上貼之 左鼻衄以線扎左手中指  
右出札右手中指俱出兩手俱札 或炒黑蒲黃吹鼻  
中或龍骨末亦可

止血散

黃芪六錢 赤茯苓 白芍藥 當歸

生茅 阿膠各三錢

右為末每服二錢食後黃芪湯調下

芍附欵

川芎二兩 香附四兩

右為末每服二錢茶湯調下

○廣按血証須要涼血散火此藥既非涼血又非散火  
何也蓋血病用血藥而不効者以其血之所藏無以  
養也夫心主血肝藏血此方用川芎所以和血通肝

衄血

心去附

四

或言中



而使血歸於肝臟也用香附所以開鬱行氣而使火散經絡也血歸火散何病之不止哉

黃芩為藥湯按粹方治虛家不能飲食衄血吐血

黃芩 芍藥 甘草各等分

一法加生姜黃耆

右水煎服 此藥治傷寒衄血吐血嘔血

茜梅丸 本事方治衄血無時

茜草根 艾葉各一 烏梅肉炒乾

右烏末煉蜜丸如梧桐子大每服二十九丸烏梅湯下

生地黃湯 直指方治上熱衄血

生地黃 阿膠炒 川芎 桔梗

蒲黃 甘草生各五錢

右吹咀每服八錢水一鍾半入生薑汁二匙煎至八分

去滓溫服

麥門冬飲 直指方治鼻衄

白芍藥 蒲黃各二 生薑一錢 生地黃 三錢

麥門冬 去心 二錢

右吹咀蜜一合水一鍾半煎至八分分作二服

川芎二黃散 直指方治實熱衄血

大黃湯紙 川芎 黃連 黃芩各二等



右為末每服二錢井水調下食後  
生地黄湯經驗方治榮中有熱及肺壅鼻衄生瘡一切丹  
毒等疾

生地黄 赤芍藥 當歸 川芎各二分

右吹咀水二鍾煎至一鍾去滓食後溫服 若鼻衄如  
瀉黃生瘡加黃芩并毒加防風

清肺飲試效方治衄血吐血久不愈者

五味子 十箇 麥門冬 當歸身 人參

生地黄各五分 黃芩二分

右吹咀作一服水一鍾煎至一鍾去滓食後溫服 用

三稜針針氣街出血立愈

地黄飲按粹方治衄血往來久不愈甚効

生地黄 熟地黄 枸杞子 地骨皮各等分

右為末每服二錢蜜湯調下日三服

麥門冬飲子濟生方治衄血不止

麥門冬 生地黄各等分

右剉每服一兩水三鍾煎至一鍾溫服

黃連散經驗方治大人小兒盛熱乘於血血隨熱氣散溢

於鼻者謂之鼻衄凡血得寒則凝澁結聚得熱則流散  
妄行



黃連

黃芩

栝葉

甘草各等分

豆豉三十粒

右吹咀每服一兩水二鍾煎至一鍾去滓食後通口服

生地黄湯 治鼻衄昏迷不省

用生地黄三五斤取汁服之以相塞鼻中須臾即止

白芨散 治鼻衄不止

用白芨不以多少為末冷水調貼鼻竅下

可塗散 治鼻衄不止

土馬鬃即鬚上舊草

甘草各錢

黃藥子半兩

右為末每服二錢新汲水調下不止再服

射香散何藥院方 治鼻衄不止

白礬枯礬

白龍骨

粘舌者另研各五錢

射香五分

右三味拌和勻每用一匙先將冷水洗淨鼻內血涕然

後吹藥於鼻中或以濕紙捲蘸藥鼻內尤妙

龍骨散三四方 治鼻衄過多

用白龍骨不拘多少研末用少許吹入鼻中凡九竅

出血皆可用此藥吹之

山柰散朱氏集驗方 治鼻衄不止

用山柰子文以多少燒焦末少許吹入鼻中

黑神散



用百草霜為末用少許吹入鼻中立効

方 治鼻血不止

用頭髮燒灰以竹管吹入耳中即止或以酒調亦可

方

用新採栢葉搗水服之即止

方 治鼻衄及酒濕黃沙淋

用萱草根搗汁一鍾生姜汁半鍾相和時時細呷

方

用生姜汁磨好墨滴鼻中

方

用茄花塞鼻中外用茄花濃煎湯服

# 溺血

四十九

丹溪心法

○溺血屬熱 用炒山梔子水煎服或用小蘗琥珀存

血虛四物加牛膝膏 實者用當歸承氣湯下之後以四

物加山梔

入方

小蘗欬子 治下焦結熱血淋

生棗

小蘗

滑石

通草

芍藥

心法附錄卷之十一

五



淡竹葉七片 蒲黃炒 藕節二錢 當歸酒浸

梔子炒 甘草炙

右用水煎空心服

附諸方

許令公方 治尿血

生地黄汁一合 生薑汁一合

右以二物相合頓服

當歸承氣湯

當歸錢 厚朴八分 枳實五分 大黃八分

芒硝七分

右剉水煎如法溫服

當歸散 大全良方 治婦人小便出血或時尿血

當歸 羚羊角屑 赤芍藥各半 生地黄一兩

刺刺葉七錢

右吹咀每服八錢水一鍾半煎至八分去滓通口服食

前

方 治小便出血

用當歸四兩酒三升煮一升頓服

方

用琥珀為末每服一錢灯心薄荷湯調下



鹿角膠丸

濟生方

治房勞傷小便赤血

鹿角膠

五錢

沒藥另研

油頭髮灰

各三

右為末用茅根汁打糊丸如梧子大每服五十九粒湯送下

六味地黃丸

治老人尿血

見補損

瑞竹堂蒲黃散

故紙炒

蒲黃炒

千年石灰炒

右等分為細末每服三錢空心熱酒調下此劫劑也

# 下血

五十

丹溪心法

○下血其法不可純用寒涼藥必於寒涼藥中加辛味為佐久不愈者後用溫劑必兼升舉藥中加酒浸炒涼藥如酒者黃連丸之類寒因熱用故也 有熱四物加炒山梔子升麻秦艽阿膠珠去大腸濕熱 屬虛者當溫散四物加炮乾姜升麻 凡用血藥不可單行單止也

白芷

五倍子各等分

右為末粥丸如梧子大每服五十九粒湯下

附脉理

下血

心法附錄卷之十一

五十三

戊二頁



脉訣舉要曰便血則花數則赤黃實脉癰閉熱在膀胱  
附諸方

黃連香薷飲 治伏暑純下鮮血 見中暑

敗毒散 治風熱流入大腸經下血不止 見傷風

胃風湯 治風濕乘虛入於腸胃或下瘀血 見痢類

槐花散 治腸胃有濕脹滿下血

蒼朮 厚朴 陳皮 當歸

枳殼各 槐花二兩 甘草 烏梅各半

右以水煎五錢空心服

當歸和血散 按粹方治腸癰下血濕毒下血

槐花 青蒿各六錢 當歸身 升麻各二錢

荆芥穗 熟地黃 白朮各六分 川芎四分

石為末每服二三錢清米飲調下食前

升麻去濕和血散 按粹方治腸癖下血作派其血即出有

力而遠射四散如篩春二月中下二行腹中大作痛乃

陽明氣衝熱毒所作也當去濕毒和血而愈

生地黃 牡丹皮 生甘草各五錢 熟甘草

黃耆各 當歸身 熟地黃 蒼朮

秦艽 肉桂各三 橘皮 升麻各七

白芍藥一錢五分



右吹咀作一服水四鍾煎至一鍾稍熱空心服  
黃連湯按齊方治大便後下血腹中不痛者謂之濕毒下  
血

黃連

當歸各五

甘草一分

右吹咀每服一兩水二鍾煎至一鍾食前通口服

○已上諸方治濕毒下血之劑

香連丸

冷熱不調下血如痢

見痢類

聚金丸

楊氏方

治腸胃積熱或酒毒大便下血腹中熱痛

煩渴脉弦數

黃連

四兩酒炒一兩姜汁炒一兩生用一兩

黃芩

防風

右為末煮麵糊丸如梧子六每服五十九米泔浸枳殼

水下不拘時

為藥黃連湯保命集

治大便後下血腹中痛謂之熱毒下

血

芍藥

黃連

當歸各五

淡桂五分

甘草二分

大黃

右每服一兩水二鍾煎至一鍾服如痛甚調木香枳殼

末一錢服

阿膠湯按齊方治傷寒熱毒入胃下痢膿血

下血

心法附錄卷之十一

五十五

阿膠湯



黃連丸 治飲酒過多下血不止

黃連 二兩

赤茯苓

阿膠 炒碎

右用黃連茯苓為末調阿膠桑葚丸每三十九食後米飲下

芍藥湯 按粹方 行血調氣 澀而便膿血 知氣行而血止 行血則便自愈 調氣則後重除 見痢類

涼血地黃湯 按粹方 如飲食不節起居不時者 陰受之陰

受之則入五臟入五臟則填滿閉塞下為食泄久為腸

癖者水穀與血另作一派即出也時令值夏濕熱大盛

正當寒氣勝而主氣弱也故腸癖之証甚以此藥主之

熟地黃

當歸

青皮

槐花 炒各五分

知母 炒

黃柏 去皮炒 各一錢

右以咀作一服水一鍾煎至七分溫服如小便澀臍下悶或大便後重調木香檳榔末各五分稍熱空心服或食前服如裏急後重又不去者當下之如有傳變隨証加減

○已上諸方治熱毒下血之劑

伏龍肝散 三因方 治先霍後血謂之遠血兼止吐衄

伏龍肝 半斤

甘草 炙

白朮

阿膠

黃芩

乾地黃 各三兩 干金 作乾姜

下血

公法行餘卷下

五十六

戈

三百十



右吹咀每服四錢水一鍾煎空心服虛者加附子  
竹茹湯大金丹方治婦人汗血吐血尿血下血

竹茹 熟地黃各二人參 白芍藥

桔梗 川芎 當歸 甘草炙

桂心各一

右吹咀每服一兩水二鍾煎至一鍾食後通口服

煎紅丸濟生方治臟腑虛寒下血不止面色痿黃日久羸

瘦

側柏葉炒黃鹿茸去毛附子炮去川續斷酒浸

黃耆 阿膠化白礬枯當歸去芦酒浸

右為末醋煮米糊丸如梧子大每服七十九空心米飲

下

○廣按本方出證云治臟腑虛寒下血不止夫血証乃

火使之然言虛則可言寒則不可也丹溪云下血久

不愈者後用溫劑此方正合其義東垣云勞者溫之

損而溫之損而溫之損而不溫何能愈哉此方乃溫

補之義非溫寒之說也

○已上諸方治久虛下血之劑

醫師固榮散 治吐血便血

白芷半兩 真蒲黃炒 甘草炙 地榆去

五七 二六



右吹咀每服二錢温酒調服如氣壯人加石膏兩

一方

槐花 荆芥穗各等分

右為末酒調下一錢匕仍之心食猪血妙

一方 治卒下血

用赤小豆一升搗碎米二升絞汁飲之

烏梅丸 治便血下血

烏梅三兩燒灰存性

右為末醋糊丸梧子大每服七十九空心米湯下

一方 治中毒下血

用蜃皮燒灰存性研細每服一錢水調下日進三服

一方 治下血劫劑

百藥煎一兩取一 燒為灰

右為末糊丸如梧子大服六十九空心米湯下

一方

血餘灰

鞋底灰

猪牙皂角灰各等分

右為末酒調一錢匕

一方 治下鮮血

山梔子仁燒灰

右為末水和一錢匕服



一方 治糞前有血面色黃

石榴皮

右為末煎茄子湯調一錢匕

一方 治糞後下血不止

艾葉不以多少

右以生姜汁三合和服一錢匕

一方 治臟毒下血

苦棟炒令黃

右為末蜜丸米飲下二十九粒

一方

百草霜研細

右用酒調下三錢匕

○已上諸方涼血止血之劑

酒者黃連丸見泄瀉

四物湯見補損

# 腸風臟毒

丹溪心法

○腸風獨在胃與大腸出 若無風者倉小秦丸為藥者  
附

腸風

心法附錄卷之十一

五七

百集



入方

黃芩

秦朮

槐角

升麻各一錢

青黛一錢

右以水一鍾半煎七分服

治腸風下血

滑石

當歸

生芩

黃芩

蒼朮各等

石以水煎服

或以蒼朮生薑不犯鐵器為木丸服

又方

胎帶燒存性

樞子炒

右為末蒸飯丸如梧子大每服一百丸空心米湯下

又方

便血久遠傷血致虛并麻風癰瘡見面者

龜板酥炙二兩

升麻

香附各五錢

芍藥一兩

側柏葉一兩

椿根皮七錢

右為末粥丸以四物湯加白木黃連甘草陳皮作末湯

下丸藥

又方

脉緩大口渴月經紫色勞傷挾濕

白朮半兩

黃柏炒

生薑

白芍各三錢

地榆二錢

黃芩

香附各二錢

右為末蒸餅丸服五十九滾水下

腸風

治法附錄卷之十一

卷之十一

卷之十一

卷之十一



又方 治積熱便血

蒼朮

陳皮 一兩

黃連

黃柏

條芩

各七錢五分

連翹

半兩

右烏末生芋膏六兩合丸如梧子大每服五七十九白湯下

又方

腸風脫露以車荷鳴五七箇焙乾燒灰醋調搽仍忌濕麵酒辛熱物

附諸方

腸風異散 和劑本 治腸風下血或在糞前後並皆治之

荆芥 二兩

亂髮

槐花

槐角

各一兩燒

甘草 炙

蝟皮 炒各一兩

枳殼

共白二兩

右將所燒藥同入瓷瓶內鹽泥固濟燒存三分性出火毒同甘草枳殼搗羅為末每服三錢水一鍾煎七分空心服

香梅丸

濟生方 治腸風臟毒下血

烏梅 同核燒

香白芷

不見火

百藥 則燒存性

各等分

右烏末米糊丸如梧子大每服七十九空心米飲下  
黑玉丹 和濟方 治腸風積熱下血不止

刺蝟皮 制一兩

猪懸蹄 一百箇

敗棕 兩

八

苦練根 五兩

易風

心法

六二

三百字



雷丸 四兩

牛角鯁 二兩 槐角 六兩

芫蘇 四兩

亂髮皂角水洗  
淨焙八兩

右剉碎用瓷確內燒存性研為細末入乳香二兩射香  
八錢研和令勻用酒打麵糊為丸如梧子大每服二十  
丸先細嚼胡桃一枚空心以溫酒吞下多進得效

槐角丸 和濟方治五種腸風下血痔瘻脫肛下血並服

槐角炒一兩

地榆

黃芩

防風去芦

當歸酒浸一宿  
焙乾去芦

枳殼去白  
炒

右為末酒糊丸如梧子大每服三十九丸空心米飲下

烏荆丸 直指方治腸風下血諸風袖縲等

川烏頭一兩  
去皮

荆芥 二兩

右為末醋糊丸如梧子大每服二十九枳殼湯下

槐花散 本事方治腸風臟毒下血

槐花炒

栝葉研爛

荆芥穗

枳殼等

右為末每服二錢空心米飲調下

香附散 本事方治腸風

香附一兩  
炒

枳殼七錢  
半炒

當歸半兩

川芎 五錢

槐花炒

甘草各二錢  
五分

右為末每服三錢水一鍾姜三片棗一枚煎七分溫服

蒜連丸 濟生方治臟毒下血

易

治

六

三



鷹爪黃連去煩

右為末用獨頭蒜一箇濃香熟研和入白杵極爛丸如

梧子大每服四十九空心陳米飲下

加減四物湯 治腸風下血不止

側柏葉

生地黃

當歸酒浸去芦

川芎各一

枳殼去白

荊芥穗

槐花炒

甘草炙各

右吹咀每服四錢水一鍾姜三片烏梅少許同煎空心

溫服

黃連散 宣明方 治腸風下血疼痛不止

黃連

雞冠花

貫衆

川大黃

烏梅各一

甘草炙

右為末每服二錢用溫米飲調下日三服不拘時

黃連貫衆散 張子和方 治腸風下血

黃連

雞冠花

貫衆

大黃

烏梅肉各一

甘草炙

枳殼

荊芥各一

右為末每服二錢溫米飲下食前

結陰丹 援粹方 治腸風下血臟毒下血凡大便血疾

枳殼去穢

葶靈仙

黃芪

陳皮去白

椿根白皮

何首烏

荊芥穗各半

右為末酒糊丸如梧子大每服五七十九陳米飲入醋



少許煎過更放溫送下

地骨皮散 經方 治腸風痔瘻下血不止

地骨皮

鳳眼根皮

並用醫崖中者好去土用

右二味各等分同炒微黃色搗為細末每服三錢空心

溫酒調服忌食油膩等物

止血散

御藥院方

治腸風下血或在糞前或在便後在便

前者其血近腎肝血也在便後者其血遠心肺血也此

藥並主之

皂角刺

燒 胡桃仁

去皮

故紙

炒

槐花

三兩

右為末每服二錢米飲調酒亦可

一方

治腸風臟毒

用茄蒂燒灰存性為末米飲調下二錢小兒服半錢

一方

治腸風下血

乾檮根白皮

人參 去芦

右件等分為末每服二錢空心用酒或米飲調下

一方

槐花

枳殼

右等分炒存性為末新井水為丸米飲下

一方

治臟毒下血

用黃連四兩酒浸春秋五日夏三日冬七日晒乾為末



以烏梅肉六兩同搗為膏丸如梧子大每服二三十丸  
空心白湯下

一方 治腸風下血

用椿根白皮北引者去粗皮酒浸晒乾為末研膠棗肉  
丸如梧子大每服三五十九酒送下

○廣按腸風者邪氣外入隨感隨見所以其色清也臟  
毒者蓄積毒久而始見所以其色濁也治腸風以散  
風行濕藥治臟毒以清熱涼血藥又要看其虛實新  
久之不同新者實者宜降之瀉之虛者久者宜升之  
補之故治法有所異也

# 痔瘡

五十二

丹溪心法

○痔瘡專以涼血為主

入方

人參

黃芪

生芩

川芎

當歸

升麻

條芩

枳殼

槐角

黃連

一方無黃連

右以水煎服 或丸服亦可



重洗

五倍子

朴硝

桑寄生

蓮房

加荆芥

煎湯先重後洗又冬瓜藤亦好又大腸熱腫者用木  
鱉子五倍子研細末調傅痔頭向上是大腸熱甚收  
縮而上用四物湯解毒湯加枳殼白木槐角秦艽

附諸方

清心丸

素問云諸痛痒瘡瘍皆屬心火此藥主之

黃連

一兩

茯神

微赤茯苓各半

右為末煉蜜為丸如梧子大每服一百丸食前米湯下

清涼飲

治諸痔熱甚大便秘結

當歸

赤芍藥

甘草炙

大黃

飯上蒸晒乾

右等分為末每服二錢新水調下

黃耆葛花丸

宣明方治腸中久積熱毒痔瘻下血疼痛

黃芪

葛花

生地黃

黃赤豆花各一兩

大黃

赤芍藥

黃芩

當歸各三錢

蝟皮

一枚

白茯苓

皂角子仁炒各五錢

右為末煉蜜丸如梧子大每服二十九至三十九丸

白皮湯及茴香槐子煎湯下亦可

槐角丸 治痔瘻有效



槐角 當歸 地骨皮 蛻皮各

右為末滴水丸如梧子每服五十九空心服

蛻皮丸 治諸痔瘡出血裏急後痛

槐花炒 艾葉炒 枳殼 地榆

當歸 川芎 黃芪 白芍

白礬枯 貫衆 蛻皮各 頭髮燒三

猪後蹄重甲十枚 皂角一錢炙

右為末煉蜜丸如梧子大每服五十九食前米湯下

猪甲散 治諸痔

猪懸蹄甲不以

右為末陳酒湯調二錢空心服

考歸丸 治痔下血不止

川芎 當歸 黃芪 神麩

地榆 槐花炒各 阿膠炒 頭髮燒取

荆芥 木賊各一分

右為末煉蜜丸如梧子大每五十九食前米湯服

乾葛湯 治每遇飲酒發動痔瘡腫痛而流血

乾葛 枳殼炒 半夏 茯苓

生芋 杏仁各半 黃芩 甘草各二

右剉每服三錢黑豆一百粒姜三片白梅一箇水煎服

痔瘡 治痔瘡 卷之二 六十一



橘皮丸 治因憂急思怒通臨于前痔瘡發作腫痛大便  
難強努則肛出亦皆治之

橘皮 枳殼炒 川芎 槐花炒各

檳榔 木香 桃仁炒去紫蘇莖葉

甘草 錢半 香附 二錢

右判每服三錢姜棗煎服

一方 治腸痔每天便常有血

蒲黃末方寸匕米飲調下日三頓瘥

地黃丸 治五痔滋陰必用之

地黃 酒蒸 熟 二錢 黃柏炒

杜仲炒 白芷 兩 山藥 山茱萸 取肉

獨活 錢八 澤瀉 牡丹皮 茯苓 各六

黃芪 半 兩 白附子 二錢

右為末煉蜜丸如梧子大每五十九空心米湯服下

一方

大黃 錢三 牡蠣 煨 一

右為末作十服空心白水調服

五灰散 三因方 治五種痔瘡問內外並宜服之

鱉甲 治 牡 蛎 皮 治 疔 蜂房 治 疥 蛇蛻 治 氣

猪左足懸蹄甲 治 疔 各 等 分



右燒存性隨証倍用一分為末并花水調二錢空心臨  
卧時服

香殼丸 宣明方 治濕熱內甚因而飽食腸癖發為諸痔久  
而成瘻

木香

黃蘗 各三

枳殼 各二

厚朴 各半

黃連 一兩

蝟皮 燒灰

當歸 四錢

荆芥 穗 三錢

右為末麵糊丸如梧子大每服二三十九溫水下食前  
日二服

一方 治諸痔瘡

槐花 四兩

皂角刺 搥碎 胡椒 十粒

川椒 一兩

右用獾猪肚一箇入藥在內扎定口煮熟去藥空心食  
肚子

○已上諸方內治之劑

薰洗方

槐花

荆芥

枳殼

艾葉

右以水煎入白礬先薰後洗

又方

用五倍子如燒香法置漏中善妙

又方

木鱉子 七箇 取

白礬 末 二錢

本草綱目 卷之二十一 六十四 痔瘡 治法



右以水煎薰洗一三次 如肛門腫熱以朴硝末水調  
淋之良

又方

搗桃葉一斛蒸之內小口器中以下部搗上坐虫自出

又方

用無花菓葉煮水薰少時再洗

又方

用好醋沃燒新磚如法坐薰良

又方

翻花痔

用荆芥防風朴硝煎湯洗之次用木鱉子磨金研末入

龍腦些少水調傳之或用龍

腦片腦和勻貼之尤妙

又方

用全蝎不以多少或二三箇初發痔瘡用此燒薰

又方

用韭菜不以多少燒熱湯以盆盛湯在內盆上用器具  
蓋之留一竅却以韭菜於湯內泡之以穀道坐竅上令  
氣蒸薰候溫用韭菜湯輕輕洗瘡數次自然脫體

又秘方

先用乾馬齒莧煎湯洗次用螺蛸活搗敷瘡紙封口空  
心食前鹽湯調下枳殼末一二錢



又方

用枳殼不拘多少每用末二錢水一大碗沙瓶內煎首  
沸先薰蒸而後洗之

外敷蝸牛膏

用蝸牛一枚射香少許用小砂合子盛蝸牛以射香燻  
之次早取汁塗痔瘡有效

槐白皮膏和濟方治內外諸痔年久不愈者

槐白皮

枳實各五

赤小豆

二合

桃仁六卜

當歸各三

甘草

白芷各二

右咬咀以前煎成猪膏一斤微火煎至黃色藥可成膏以

貼瘡

五灰膏

危氏方治臟腑一切毒發為痔瘡不問遠年近

日形似雞冠蓮花核桃牛心或內或外並皆治之此方

親傳之瘡科劉叔茂累試百驗不敢自秘

蕎麥灰半

荆柴

老杉枝

荊柴

山白竹

右以上四般柴竹截作二尺許長以斧劈破成片各取

一束晒乾放火上燒過置坩內為灰防為風旋使俟盡

燒却以水於鍋內煮用炭汁又用酒漏以布帛置其裏

置蕎麥灰於酒漏內以所煮四般炭汁淋之然後取汁



於鍋內慢火熬汁約取一小碗候冷入石灰同丹調和成膏以瓦瓶貯之止用石灰傳之面上不令走氣臨用時却去石灰以冷水調開冷病若以水洗洗淨痔瘡仰臥搭起一足先以濕紙於瘡四圍貼護却用竹筴桃藥塗痔上須更痛息用紙搭去藥再塗如此三四遍要痔瘡如黑樣黑方止以水洗淨每日常置冷水一盆以葱湯和之口洗三五遍六七日後膿穢出盡其瘡自消

實腸丸 醫方大成

五灰塗痔瘡之後或臟腑秘結不通者

用此藥實腸

黃連

枳殼各等

右為末 麩糊丸如梧子大每服五十九空心米湯下

一方 治久痔

用能膽塗神效

一方 治痔瘡有頭

用荒花入土根洗淨木臼搗以少水絞汁於銀銅器內慢火煎成膏將絲線於膏內度過繫痔瘡頭繫時微候心躁痔落時以紙擦熱膏於數內未除其根

一方

治用藥枯痔後大便堅硬難下以大黃濕紙裹煨枳殼去穢當歸酒洗各等分為末煉蜜丸如梧子大每服三



十九白湯下

灸法

用大蒜一片頭垢捻成餅子先安頭垢餅於痔上外安  
蒜艾灸之

○已上數方外治之法

四物湯見補損

解毒湯見濕熱

# 漏瘡

五十三

丹溪心法

○漏瘡先須服補藥生氣血用參朮芪苓歸為主大劑服  
之外以附子末津唾和作餅子如錢厚以艾灸之漏大炷  
大漏小炷小但灸令微熱不可使痛乾則易之則再研如  
未作餅再灸如困則止來日又灸直至肉平為效亦有用  
附片灸仍用前補劑作膏貼之尤妙 痔漏凉大腸寬大  
腸 用枳殼去穰入巴豆鉄線纏著透去巴豆入藥用丸  
藥則爛搗用前藥乾用寬腸 澁敷用赤石脂白石脂枯  
礬黃丹腦子 漏敷外塞用重便收爐甘石牡蠣粉

入方

黃連散 元有痔漏又於肛門邊生一塊皮厚腫痛作膿

黃連散 元有痔漏又於肛門邊生一塊皮厚腫痛作膿



就在痔孔出作食積注下治

黃連

阿魏

神麩

山查

桃仁

連翹

槐角

犀角等分

右為末以少許置掌心待行舐之津液嚥下如消三分

之二止後服

附諸方

加味槐角丸 古庵方 治痔漏通用及治腸風下血

槐角 二兩

生干 二兩

當歸身

黃芪 各一兩

川芎

阿膠 各半

黃連

條芩

枳殼

秦艽

防風

連翹

地榆

升麻 各二

白芷 半兩

右為末煉蜜丸或酒糊丸如梧子大每服五十九漸加至七八十九百丸空心温酒或米湯送下

法曰以槐角生干生血凉血為君當歸川芎黃芪阿膠

補虛為臣以諸藥為佐使蓋黃連瀉心火條芩凉大腸

枳殼寬大腸秦艽去大腸風防風為血證上使連翹為

血證中使地榆為血證下使而連翹又能散經絡中火

邪地榆又能凉血升麻升散火邪又與白芷引諸藥入

大腸經絡夫痔漏經絡之病也

楛藤子丸 御藥院方 治腸癖下血痔漏結核疼痛



檟藤子

一箇重七錢者 酥炙和皮用

皂角刺燒存性 茴香炒

枯白礬

枳殼去白 炒

檟白皮焙乾 白附子炮

蝟皮炒存性 乳香半

右為末醋麵糊丸如梧子大每服五十九空心溫酒下

如痔瘡痛醋研五七丸冷筆患處

蝟皮丸濟生方 治五種痔漏

猪左縣蹄甲 黃牛角腮

蝟皮一箇同上 藥燒存性

防風去芦 貫衆

槐角子炒 鱉甲醋煮

枳殼去白 皮用 雞冠花

槐花 黃耆去芦

雷丸 黃連去芦

當歸 香白芷

油髮灰

玄參各半 麝香另研

右為末米糊丸如梧子大每服一百丸空心米飲送下

年高并虛弱者不宜服也

枳殼散御藥院方 治腸風痔漏便血無數疼痛不可忍

枳殼去穰 炒 槐子微炒 黃色 荆芥穗各半

右為末每服三錢薄粟米粥調下如入行一二里地再

以粥壓下日進二三服

一方 治痔漏下血疼痛

用槐花炒枳殼去穰各一兩為末醋糊丸如梧子大每

服二十九空心米飲湯下十服見效



一方

用枳殼水浸去穢每三片用巴豆一粒在內線縛於銀  
石器內以醋浸一宿熬盡乾去豆為末醋糊為丸如梧  
子大每服十五丸空心茶清送下

猪腎丸 通行漏瘡中惡水白大腸中出

用黑牽牛碾細末二錢半猪腎中一線扎青竹葉包  
慢火煨熟空心温酒下

○已上諸方治初發疔漏涼解之劑

乳香丸 治冷漏

乳香二錢 杜蠟粉二錢

右為末雪糕糊丸麻子大每服二十九丸姜湯空心下

釣腸丸 和濟方治久漏虛漏肛門腫痛或生瘡時有膿血

及腸風下血虛寒久不愈者

括萎二枚燒存性 蝟皮二箇燒存性 雞冠花微炒 綠礬一兩

白礬二兩 胡桃仁取仁十五兩不去油 白附子

天南星生用 枳殼去穢 半夏 訶子煨各

附子去皮臍生用一兩

右為末醋糊丸如梧子大每服二十九丸空心臨卧温酒

送下

黑丸子 危氏方專治年久痔漏下血用之累驗



乾姜

百草霜一兩

木饅頭二兩

烏梅

敗棕

柏葉

油髮各半

已上七味各燒灰存性

入後藥

桂心三錢

白芷五錢俱不見火

右九味為末醋糊丸如梧子大空心米飲下三十丸

烏至丸秘方治男子婦人下血腸風痔漏若疼痒不可忍

服此三四次是効初得此病或痒或疼穀道周廻多生

硬核是痔破者是漏下血是風皆因酒色過度即成此

疾人多以外醫敷洗不知病在腸中有虫若不去根其

病難除

槐角六兩

雷丸四兩

敗棕八兩

苦練根五兩

芝蔴四兩

牛角一兩髮一兩洗八兩

右件剉碎用磁器內燒存性碾末入乳香二兩麝香八

錢研勻酒糊丸如梧子大每服五十九丸細嚼胡桃一箇

溫酒送下空心臨晚二服甚者三服忌別藥房室醋魚

雞諸般發風動氣毒物并坐濕地

○已上諸方治年久痔漏溫滋之劑

董勇婦翻花漏瘡

葷麻子去殼防風

天南星各半

右件為粗末盆內燒烟上用器具蓋之留一孔坐孔上

薰之



又方 薰漏瘡

艾葉

五倍子

白膠香

苦練根各等

右剉碎如燒香法置長桶內坐其薰瘡處

薰洗痔瘻疼痛

枳殼半兩

朴硝二錢

薄荷半兩

荊芥

乾蓮蓬各一

右件為粗末用三水三碗煎至二碗半乘熱薰洗

洗漏瘡方 治漏瘡孔中多有惡穢常須避風洗淨

漏蜂房白芷煎湯洗 或大腹皮苦參煎湯洗

右洗畢拭乾先用東向石榴皮餵為末乾摻以殺淫虫

少頃傳藥

又方

用冬瓜湯洗即愈

又方

用朴硝并水調洗 或用蜜和醋調搽

又方 治痔漏

用河邊水漂出柳根赤鬚煎湯洗極效

傳父漏方

用九孔蜂房炙黃以鵝月猪脂研傳候收又以龍骨降

香節末入此乳香傳瘡



又方 傳痔漏

用田螺一箇挑開壓更片膠一分過一宿取螺內水搽瘡先用冬瓜瓢煎湯洗淨搽

蒲黃散 治下部痔漏

蒲黃 一兩 血竭 半兩

右為末每用少許拈患處

又方

用蠅螂不以多少焙乾為末先用藥水洗淨貼之

辰砂揆子秘方 治痔漏等瘡

人言一錢 白礬二錢 蜜陀僧 辰砂各五

右件先研人言細鋪鍋底次用礬鋪人言上粘烟盡而度次將陀僧辰砂研細白糕和作尖揆子如小麥公母用一粒頑漏納瘡口上去敗肉盡後貼生肌散

生肌散 秘方

寒水石 煨一錢 龍骨 煨五錢 乾胭脂 二分 輕粉 一錢

右件研末乾貼瘡嫩寒水石乾胭脂加龍腦瘡者止依方

辰砂膏 秘方

瓜蒂末三錢 蜜陀僧 研二錢 硃砂 半錢 片腦 少許

右件為末如瘡乾津調貼瘡濕乾貼

局倉 卷之二 二二



土紅散

硃砂二兩先燒研在銀內大用

白礬

硃砂四錢

右件為末敷痔劫用津唾調貼

代針膏

巴豆五錢 枳殼大者工

右件將豆裝在枳殼內綿縛罐內盛醋煮乾

研細用絲綿攤濕展藥敷痔根上去痔不用止用生肌

散如頑漏日久不可用津調代針膏敷瘡頭尖肉自

去

四效散 聖惠方 治鼠竅痔漏

蜜陀僧二錢 射香 片腦各半 同錄一字

右件為末先用溫水洗拭乾敷

生地黄膏 治漏瘡通用

露蜂房錢二 五倍子三 木香三錢 乳香一錢

輕粉一字

右為末用生地黄一握搗細和為膏攤生絹貼之

蛇蛻散 治漏瘡血水不止

蛇皮焙焦 五倍子 龍骨各二錢 續斷五錢

右為末入射香少許津唾調傳

漏瘡

治鼠竅痔漏

治漏瘡

治漏瘡



○已上諸方外治之法

○廣按痔漏之源由乎酒色過度濕而生熱亢于臟腑溢于經絡墜乎穀道之左右衝突為痔久而成漏者也痔輕而漏重痔實而漏虛治痔之法不過涼血清熱而已至於治漏初則宜涼血清熱燥濕久則宜澀殺殺虫而無乎溫散也或曰痔漏火是根源何故而用溫澀殊不知痔止出血始終是熱漏流膿水始是濕熱終是濕寒不用溫藥何以去濕而散寒乎非止痔漏百病中多有始熱而終寒者如瀉痢如嘔吐初作則腸胃氣實為熱久作則腸胃氣虛而為寒矣丹溪下血條云下血久不愈者後皆溫劑正此義也

脫肛

五十四

丹溪心法

○脫肛屬氣熱 氣虛 血虛 血熱 氣虛者補氣參

茂苦歸并麻 血虛四物湯 血熱者涼血四物湯加炒

栢 氣熱者條苓六兩并麻一兩麵糊丸 外用五倍子

為末托而上之一次未收至五七次待收乃止 又東北

石壁土泡湯先薰後洗

附諸方



香荆散 三因方 治肛門脫出大人小兒悉皆治之

香附子 荆芥穗各等分 一方加砂仁

右為末每服三匙水一大碗煎至十數沸熱淋之

一方

用五倍子為末每用三錢入白礬一塊水二碗煎洗

一方

用木賊燒灰存性為末捺肛門上按入即愈

一方

用浮萍為末乾貼患處

一方

用蔓陀羅花子連殼一對椽斗十六箇搗碎水煎三五

沸入朴硝熟洗其肛自收

二靈散 治久痢腸胃俱虛肛門自下

龍骨煨五錢 木賊燒存性二錢五分

石為末摻托之

又方

用槐花槐角等分炒黃色為末用羊肉蘸藥炙食之

以酒送下或以猪膘去皮蘸藥炙食亦可

# 淋

五十五



丹溪心法

○淋有五皆屬乎熱 解熱利小便山梔子之類山梔子  
去皮一合白湯下

戴云淋者小便淋瀝欲去不去不去又來皆屬於熱  
入方 治老人氣虛而淋者

人參

白朮

木通

山梔子

右水煎服

地髓湯 治死血作淋痛不可忍此證亦能損胃不食

杜牛膝

根一名苦杖  
根即鼓翅草

右以水五鍾煎其四而留其一去滓入射香少許空

心服之又單以酒煎亦可又名苦杖散 老人虛寒者

八味丸或六味地黃丸為要藥

又方 治氣虛而淋者

八物湯加黃芪虎杖甘草煎湯服諸藥中可加牛膝

附諸方

五苓散 治伏暑者小便赤澀如淋見中暑

一方 治諸淋

四苓散 二錢益元散 一錢燈草 三十莖山梔子 一錢

右水煎空心服 或益元散加車前末一錢 或益元

散加阿膠末一錢



八正散 和劑方治大人小兒心經溫熱臟腑閉結小便赤澀癃閉不通熱淋血淋膏淋沙淋石淋並皆治之

車前子

瞿麥

篇蓄

滑石

甘草

山梔

大黃煨 枳實

木通各一

右咬咀每服三錢水一鍾入灯心十莖煎至六分食前温服

五淋散 和劑方治腎氣不足膀胱有熱水道不通淋瀝不

出或如膏如沙如石或如豆汁並皆治之

赤茯苓六兩 赤芍藥

山梔子仁各十 當歸去芦

甘草生用各條各三兩

右吹咀每服四錢水一鍾煎八分空心服

石膏散 和劑方治膀胱有熱淋瀝不去臍腹急痛苦累作有

痔勞後即發或尿如豆汁或出沙石並皆治之

芍藥

白朮

滑石

葵子

木通

瞿麥

石膏去毛各二兩 當歸

甘草各一

王不留行一兩

右為末每服二錢空心小麥湯調下

通草湯 濟生方治諸淋

王不留行

葵子

通草

菟根

蒲黃

當歸去芦

桃膠

瞿麥



滑石各一兩 甘草半兩

右吹咀每服四錢水一鍾姜五片煎服

地膚子湯濟生方治諸病後體虛觸熱熱結下焦遂成淋疾小便赤澀數起少出莖痛如刺或尿出血

地膚子一兩 猪苓 知母 黃芩

海藻洗 通草 瞿麥炒 枳實炒

升麻 葵子各半兩

右吹咀每服四錢水一鍾姜五片煎六分溫服

車前子散 治諸淋小便痛不可忍

車前子生半兩 淡竹葉 赤茯苓 灯草各二錢

荆芥穗能通竅

右作二服水煎

立效散和劑方治下焦結熱小便淋閉作痛有特尿血

甘草炙三兩 瞿麥穗一兩 山梔子去皮炒

右吹咀每服五錢水一鍾姜三片葱白三箇灯心三十

莖煎至六分去滓食後溫服

○已上八方清熱之劑

導赤散和劑方治心虛蘊小便赤澀或成淋痛

生乾地黄 甘草 木通

右吹咀每服三錢水一鍾竹葉十片煎六分溫服



火府丹 本事方 治心經蘊熱小便赤少及五淋澀痛

木通 黃芩略一 生熟地黃二兩

右為末煉蜜杵為丸如梧子大每服五十九木通湯送下

○已上二方寧心之劑

六味地黃丸 治血虛腎虛消渴淋濁 見補損

鹿角霜九 三因方 治膏淋多因真僞失志濁氣干清小便

淋閉黯如膏脂疲劇筋力或傷寒濕多有此証

鹿角霜 秋石 白茯苓各等分

右為末麵糊丸如梧子大每服五十九空心米湯下

○已上二方滋腎之劑

一方 治氣虛脾虛消渴淋濁

人參 滑石略一 白木一錢 赤茯苓

澤瀉各七分 麥門冬 甘草各五分 竹葉三十片

右剉作一服水一鍾灯心二十莖煎六分溫服食前

清心蓮子飲 和劑方 治上盛下虚心火炎上口苦咽乾煩

渴微熱小便赤澀或欲成淋並皆治之

黃芪蜜炙 石蓮肉去心 赤茯苓 人參各半

車前子 麥門冬去心 甘草炙 地骨皮

黃芩各半



右咬咀每服五錢水一鍾煎六分溫服發熱加柴胡薄荷

○已上二方扶脾之劑

髮灰散 治血淋 若單小便出血為莖血者主之

亂髮不拘多少燒灰入射香少許每服用米醋淘湯

調下 治淋以麩子末等分米飲空心調下最治婦

人胞轉不尿

葉氏治血淋方 簡易方

阿膠燒妙 木猪苓 赤茯苓 滑石

澤瀉各一兩 車前子半兩

右咬咀每服三錢水一鍾煎六分五更時服

一方 治小腸有熱血淋急痛

車前草連根帶穗洗淨白內搗井花水調瀘清汁空

心涼服一硃若是淋沙石則以煖寒水石為末調服

一方 治血淋熱淋効

赤小豆不以多炒微熱

右為末每服二錢煨葱一根溫酒調服

通秘散 治血淋痛不可忍

陳皮 香附 赤茯苓各等分

右剉每服一錢水煎空心服

淋疾 心法附錄卷之二 二



白薇散 治熱淋血淋

白薇 赤芍藥各等分

右為末每服二錢溫酒調下立効或加枳榔

一方 治熱淋血淋

麻根 十箇

右以水四碗煎至一碗空心服其効

一方 治血淋諸熱淋

山茵陳 淡竹葉 木通 山梔子

滑石 甘草 猪苓 瞿麥

右劉母服五錢水一鍾半灯心少許煎至八分空心溫

服如大便秘澁加大黃同煎

○已上八方理血之劑

沉香散 治氣淋疼此多因五內鬱結氣不舒行陰滯

陽而致壅滯小腹脹滿便溺不通

沉香 石葶 滑石 王不留行

當歸各半 葵子 芍藥各七錢 甘草

陳皮 木香 青皮各二錢

右為末每服三錢煎大麥湯下

傳濟方 治五淋

赤芍藥二兩 枳榔二箇



右為末每服二錢水煎空心服

一方 治卒淋急痛

益元散二錢 茴香一錢 微木香

按柳各二

右為末水調服

○已上三方理氣之劑

一方 治小便淋痛赤澀下沙石

萱草根一握 搗取汁服 或嫩苗煮食之亦可

一方 治沙石淋

琥珀二錢 研為末 空心葱白湯調下

琥珀散 宣明方 治五淋沙石淋

滑石

琥珀 各一兩

木通

當歸

木香

麝香

篇竹 各半

右為末每服五錢

蘆葦葉煎湯空心調服如無蘆葦

葉以竹葉煎湯送下

○已上三方理氣之劑

二神散 治諸淋急痛

海金沙 七錢 滑石 半兩

右為末每服一錢煎不通麥門冬車前草湯以蜜少許

送下

一方

木香

法付

八七

氏

三



石燕子 七箇搗如  
黍米大

新桑白皮 三兩剉  
同伴勻

右將二物分作七帖用水一鍾煎七分去粗空心午前  
至夜各一服

琥珀散 聖惠方 治五淋澀痛小便有膿出血

琥珀

海金砂

沒藥

蒲黃 各

右為末每服三錢濃煎通草湯送下日二服

一方

用雙蛤七枚益二兩同與新瓦上焙乾研細溫酒調服

一錢即愈

一方

用苧根二斗剉碎水一碗煎至半碗頓服即通

一方

用車前子一兩以絹囊盛水二鍾煎溫服立瘥

一方

用地膚子或苧葉一兩水一鍾煎溫服 即北方掃帚  
筒上手是也

○已上數方專攻之劑

一方 治淋莖中痛此是肝經氣滯有熱

甘草 稍 青皮

黃柏

澤瀉 各

右作一服水二鍾煎至一鍾空心溫服

方 治苦病淋而莖中痛不可忍者



六君子湯加黃柏知母滑石石等琥珀煎服見調

家琥珀湯 治林莖中痛不可忍相引脇下痛

人參五分 茯苓四分 川練子炒一分 琥珀三分

生甘草一錢 玄胡索七分 澤瀉 柴胡

當歸稍 加青皮 黃柏各三

右作一服水一鍾半煎至七分空心溫服

○已上諸方治經中痛之劑

治婦人諸淋方

用苦杖根俗乎石杜牛膝洗淨搥碎一握水五碗煎至

一碗去渣入射自乳香末各少許調服小便肉當下沙

石剝剝有青灰其效也

石膏散 治婦人小便 卒淋澀

石膏 黃芩 木通 榆柏皮

葵子 瞿麥 穗 甘草各等

右吹咀每服八錢水一鍾半姜三片煎至八分去渣食

前溫服

○已上治婦人淋証之劑

八味丸

八物湯 並見補損

○廣按淋證其感不一或因房勞或因忿怒或因醉酒



或因厚味所致夫房勞者陰虛火動也忿怒者氣動  
生火也醇酒厚味者釀成濕熱也積熱既久熱結下  
焦所以小便淋瀝欲去不去不去又來而痛不可忍  
者初則熱淋血淋久則煎熬水液稠濁如膏如沙如  
石也諸方中類多散熱利小便而於開鬱行氣破血  
滋陰蓋少焉若夫散熱利小便只能治熱淋血淋而  
已其膏淋沙淋石淋三者必須開鬱行氣破血滋陰  
方可也古方用鬱金琥珀開鬱藥也用青皮木香行  
氣藥也用蒲黃牛膝破血藥也用黃柏生地黃滋陰  
藥也東垣用藥凡例小腹痛用青皮黃柏夫青皮踈

肝黃柏滋腎蓋小腹小便乃肝腎之部位也學者不  
可不知

# 小便不通

五十六

## 丹溪心法

○小便不通有氣虛 血虛 有痰 風閉 實熱 氣  
虛用參芪朮麻等先服後吐或參芪藥中探吐之 血虛

四物湯先服後吐或芎歸湯中探吐亦可 痰多二陳湯

先服後吐已上皆用探吐 若痰氣閉塞二陳湯加木通

一作香附探吐之以提其氣氣升則水自降下蓋氣承載

醫用 心法 卷之二十一 五十六



其水也 有實執者當利之 砂糖湯調牽牛末二三分或  
山梔之類 有熱有濕有氣結於下宜清宜燥宜升 有  
孕之婦多患小便不通胞被胎壓下故也 轉胞論用四物  
湯加參朮半夏陳皮甘草山萸麥冬煎湯空心服 婦人脾  
疼後患大小便不通此是淡隔中焦氣滯於下焦以二陳  
湯加木通初喫後煎積壓之

附脉理

脉訣舉要曰鼻頭色黃便必難 浮弦瀯為不小便  
附諸方

蒲黃湯 聖惠方 治心腎其自熱小便不通

赤茯苓

木通

車前子

桑白皮炒

荆芥

灯草

赤芍藥

甘草微炒

蒲黃生

滑石

右各等分為末每服二錢茶白湯煎湯調下食前服  
葵子散 宣明方 治小便不通

葵子

茯苓去皮各等分

右以咀每服四錢水二鍾煎至一鍾去滓食前服  
葵子湯 濟生方 治膀胱實熱腹脹小便不通

赤茯苓

去皮

木猪苓

葵子

枳實麸炒

瞿麥

滑石

木通去節

黃芩



車前子

甘草各分

右吹咀每服四錢水一鍾半姜五片煎八分去滓溫服

海金沙散按草方治小便淋瀝及下焦濕熱氣不施化或

五種淋疾癃閉不通

海金沙研

木通

瞿麥穗

滑石

通草各半

杏仁去皮尖

右吹咀每服一兩燈心二十莖水二鍾煎至一鍾溫服

鬱金黃連丸秘方治心火炎上腎水不升致使水火不得

相濟膀胱小腸積熱或癃閉不通或遺溺不禁或白濁

如泔或膏淋如膿或如梔子水或如沙石米粒或如粉

糊相似者俱熱證也此藥悉皆治之

鬱金

黃連各一

黃芩

琥珀研

大黃酒浸各

滑石四兩

黑牽牛炒取頭

白茯苓四兩

右為末水丸如梧子大每服五十九丸沸湯下空心服如

用消導飲食降心火可加沉香五錢

宣氣散濟生方治小便不通腹臍急痛

甘草

木通各三

梔子二錢

葵子

滑石各一

右為末每服半錢燈心湯下食前

藥用

心法附錄卷之十一

九二日

二百八十八



木通散 濟生方 治小便不通小腹痛不可忍

木通

滑石 冬一

黑牽牛 頭末

右哎咀每服一錢水半鍾灯心十莖葱白一莖煎三分

食前服

八珍散 聖惠方 治大人小兒小便不利或不通

大黃

木通 去皮

滑石

粉草

瞿麥

山梔子

黃芩

荆芥 各等分

右為末每服一錢薄荷湯調下小兒減服食前

草蜜湯 治心腎有熱小便不通

生車前草搗取自然汁半鍾入蜜一匙調下

一方 治膀胱不利為癃癃者小便閉而不通

八正散加木香

方見淋類

一方 治小便不通臍下滿悶

海金沙

一兩 兩 驢茶 半兩

右為末每服三錢生姜甘草湯調下

一方 治膀胱有熱小便不通

用朴硝不拘多少研為末每服二錢空心以茴香湯調

下妙

琥珀散

治老人虛人小便不通

用琥珀為末每服一錢以人參茯苓煎湯調空心服或



煉蜜丸如梧子大每服十九丸赤茯苓湯下

一方治小便不通

雞子中黃一枚服之不過三

一方

用炒鹽熟熨小腹冷復易之

或以食鹽炒熟放溫填  
中即以艾灸七柱即

時通  
尤妙

一方治忍小便人致胞轉

自取瓜甲燒灰米飲服之

一方

取陳久筆頭一枚燒為灰和水服之

一方

用酸漿草搗汁入蜜同服

一方

用竹雞草一兩洗淨車前草一兩同於砂盆搗爛加蜜

少許無蜜加鹽少許取汁空心服小便自通竹雞草葉

葉如竹葉花翠藍色

四物湯

見補損

二陳湯

見痰類

小便不禁

五十七



丹溪心法

○小便不禁者屬熱屬虛 熱者五苓散加解毒虛者五苓加四物 戴云小便不禁出而不覺赤者有熱白者氣虛也

附諸腎論

王節齋曰小便不禁或頻數古方多以為寒而用溫滋之藥殊不知屬熱者多蓋膀胱火邪妄動水不得寧故不能禁而頻數來也故年老人多頻數是膀胱血少陽火偏旺也治法當補膀胱陰血瀉火邪為主而佐以收澀之劑如牡蠣山茱萸五味子之類不可用溫藥也病本屬熱故宜瀉火因水不足故火動而致小便多小便既多水益虛矣故宜補血瀉火治其本也收之澀之治其標也

附諸方

茯苓丸

三因方治心腎俱虛神志不守小便淋瀝不禁

赤茯苓

白茯苓各等分

右為末以新汲水按先澄去筋膜控乾別取地黃汁與好酒同於銀石器內熬成膏搜和丸如彈子大空心鹽酒磨下一丸

桑螵蛸散

澹寮方治男子小便頻數如稠米泔色此由勞



心佳思得之有服此藥未終劑而愈方見赤白濁  
治小便遺失澹寮方

阿膠炒成

牡蠣

鹿茸酒炙

桑螵酒炙

右為末糯米糊丸如梧子大每五十九空心鹽酒下  
六味地黃丸 治內虛熱者小便頻數不禁

本方加牡蠣五味子

見補損

家韭子丸三因方治大人小兒下元虛寒小便不禁或成

白濁

家韭子炒

鹿茸酒炙

從蓉酒浸

牛膝酒浸

熟地黃

當歸酒炙

杜仲焙皮

石斛去芦

乾姜炮

桂心各二兩

兔絲子酒浸

巴戟去心各二兩

右為末酒糊丸如梧子大每服一百丸空心鹽湯溫酒  
任下小兒須作小丸服之

五苓散

見中暑

解毒散

見濕熱

四物湯

見補損

# 遺精

五十八

附精滑

丹溪心法

○專主乎熱 帶下與脫精同治法青黛海石黃柏 內



傷氣血虛不能固守常服八物湯加減吞樗樹根丸思  
想成病其病在心安神丸帶補藥熱則流通知母黃柏  
蛤粉青黛為丸精滑專主乎濕熱黃柏知母降火牡蠣  
粉蛤粉焯濕

戴云因夢交而出精者謂之夢遺不因夢而自泄精者  
謂之精滑皆相火所動又則有虛而無寒也

入方

良姜

三錢  
燒灰

黃柏

二錢  
燒存性

芍藥

二錢  
燒存性

樗樹根皮

一兩  
半

右為末麵糊丸梧子大每服三十九丸空心茶湯下

附諸賢論

王節齋曰夢遺精滑世人多作腎虛治而用補腎滋精之  
藥不效殊不知此證多屬脾胃飲酒厚味痰火濕熱之  
人多有之蓋腎藏精精之所生由脾胃飲食化生而輸  
歸於腎今脾胃傷於濃厚濕熱內鬱中氣濁而不清則  
其所化生之精亦得濁氣腎主必藏陰靜則寧今所輸  
之精既有濁氣則邪火動于腎中而水不得寧靜故遺  
而滑也此證與白濁同丹溪論白濁為胃中濁氣下流  
滲入膀胱而云無人知此也其有色心太重妄想過用  
而致遺滑者自從心腎治但無脾胃者多要當審察

附脈理



脈訣舉要曰遺精白濁當驗於尺結扎動緊二證之的  
附諸方

固精丸 治心神不安腎虛百泄精

知母炒

黃柏酒炒

牡蠣三錢

龍骨二錢

芡實

蓮蕊

茯苓

遠志去心各

一方有茱萸肉三錢

右為末煮山藥糊丸梧子大硃砂為衣服五十九

小兒絲子丸和劑方治腎氣虛損目眩耳鳴四肢倦怠夜

夢遺精

石蓮肉

二兩

兔絲子

酒

白茯苓

焙

山藥

三兩內將  
分半打糊

右為末用山藥糊搜和丸如梧子大每服五十九空心

溫酒鹽湯任下如脚膝無力木瓜湯下

威喜丸

和濟方

治丈夫元陽虛備精氣不固小便白濁餘

淋常流夢寐多驚頻頻遺泄婦人白濁白帶並皆治之

黃蠟四兩

白茯苓

去皮切塊用酒一分於器內同煮  
二十餘沸取出日晒不用者四兩

右以茯苓末鎔黃蠟丸如彈子大每一丸空心細嚼津

液嚥下以小便清為度忌米醋只喫糠醋

金鎖正元丹和濟方治真氣不足呼吸短氣四肢倦怠脚

膝酸疼自暗耳鳴遺精盜汗一切虛損之證並皆服之

五倍子八錢

紫巴戟

一兩

補骨脂

酒

浸

硃砂二錢

研



龍骨二錢

肉蓯蓉洗焙

兩六錢

葫荈巴

炒二兩

茯苓去皮

八錢

右為末入研藥勻酒糊丸如梧子大每服二十九空心

溫酒鹽湯任下

玉鎖丹 御藥院方 治精氣虛滑遺泄不禁

龍骨

蓮花蕊

雞頭實

烏梅肉各等

右為末用熟山藥去皮為膏和丸小豆大每服三十九

空心米飲下

芡實丸 濟生方 治思慮傷心疲勞傷腎心腎不交精元不

固面少顏色驚悸健忘小便赤澀遺精白濁足脛酸疼

耳聾目暗

芡實蒸去

蓮花鬚二兩

茯苓去木

山茱萸肉

龍骨生用

五味子

枸杞子

熟地黃酒蒸

菴子炒

肉蓯蓉酒浸

川牛膝去土

紫石英煨七分

右為末酒煮山藥糊丸如梧子大每服七十九空心鹽

湯下

固精丸 海虞方 治思慮過度損傷心氣遺精盜汗小

便頻數

白茯苓去皮

秋石各四

石蓮肉去殼

水雞頭粉紅花在上結子垂下各二

右為末以蒸棗肉杵和丸如梧子大鹽湯下三十九溫



鹽酒下亦可

小中金丸 宣明方 治元臟氣虛不足 憂鬱陰走失精氣

陽起石 研

木香

乳香 研

青蘘 各一錢

骨碎 補炒

白龍骨

一斤兩緊者搗碎絹袋盛大 豆蒸熟取出焙乾研

黃狗腎

對酒一升煮 熟切片子焙

杜仲 各半兩 去皮 生薑炒 絲盡

茴香

白茯苓

二兩與狗 腎同為末

右為末酒麵糊丸如皂角子大每服二九空心溫酒下

忌房室

葉氏定心湯 簡易方 理心氣不足 榮血衰少 精神恍惚 中失精

中失精

人參

白茯苓

去皮 黃芪

茯苓

去木各 三兩

厚朴

川芎

赤石脂 研

白朮

各 二兩

紫苑茸

防風

甘草

麥門冬

去心 各 一兩

官桂

右吹咀每服三錢水一鍾赤小豆七十粒煎六分食後

服

金櫻丸 治精滑夢遺及小便後遺瀝

金櫻子

雞頭實

白蓮花 蒸

龍骨

煨各 半兩

右為末糊丸如梧子大每服七八十九空心培酒下

白羊肝丸

治遺精



用大半夏八兩剉片猪苓四兩為末拌炒黃色去猪苓却將半夏為末用白羊腎兩對去筋膜無炭好酒煮爛搗為泥和半夏末為丸如梧子大晒乾將猪苓末炒熟拌和藥丸安於磁器內密封養藥每服二十九猪苓煎湯送下

秘元丹 治精不禁危急者

龍骨酒煮焙乾為末靈砂水飛各一兩砂仁辛兩訶子小者熟灰煨取肉半兩

右為末糯米糊丸如菉豆大每服十五丸加至二十九空心温酒下臨卧熱水下亦可

一方

靈砂二兩陽起石火煨少仁

白茯苓牡蠣兩火煨飛

右為末糯米飯丸空心酒下一十九要通飲葱茶半鍾

即行如無陽起石以龍骨代之亦妙

鍊培散 治漏精白濁

白鹽不以多必入磁石器內按實黃泥封固火煨一日取出鋪陰地白茯苓

山藥各兩

右為末入鹽一兩研勻棗肉和蜜丸如梧子大每服三十丸空心棗湯送下

桑螵蛸散 治小便白濁遺精 見赤白濁



八物湯

見補損

標樹根丸

即固腸丸

見婦人

○廣按精猶水也靜則位安動則妄行何必言是左腎所藏者精也直水也右腎所藏者氣也相火也夫夢遺精滑之症蓋由人之思想過度以動心火心火若火也君火動則相火翕然而動所以激搏真水而踈泄也其為熱証明矣古方往往以為寒而用熱燥之藥積薪救火難矣哉今但錄其稍可者以為收澁滑脫之用亦所謂劫劑也中病則已不可過服况龍骨最能潤津若過服之晚年發燥熱之所由也慎之

六月十三日收  
老妪米三斗

慎之或曰精泄已久則為寒矣古方用熱藥豈以是乎予曰不然夫精屬陰也火屬陽也陰精虛而陽火愈熾矣經云陰虛生內熱米云陰虛生內寒也



Large stylized watermark or seal, possibly containing the characters "世" (Shi) and "世" (Shi).

Vertical text on the left side of the page, likely bleed-through from the reverse side. The characters are faint and difficult to read, but appear to be arranged in a column.



